

打箭直隸廳志

卷上

打箭廳志

敘

周禮職方氏掌天下之圖辨邦國都鄙夷蠻戎貉沿革建置無不本本原原本信古而遺流後世皆有以志者識之按鑪自古曰康本巖疆地相傳漢武鄉侯南征孟獲遣將郭達至邊設鑪造箭故以打箭名在益州西南徼井鬼分野溯明正宣慰土司於康熙年間歸誠雍正八年始設廳治分隸雅郡控制關內外諸土司鑪部幅員極其遼闊計界四五十里乃藏衛之通衢邊荒之重鎮商市茶布毛革藥材總匯百蠻龍蛇殆天之所以重護於中國者番夷信宗佛教生聚日繁語言文字不通莫化獮狉之俗蓋廳無學校士習故文獻無可徵因附雅州郡志於廳志闕如採訪之人無從秉筆紀事必詳而核立例必簡而賅非有才學識三長不能折衷一是摭前此之所未有欲後此之能發明越世二百六十五年實為守土缺憾光緒癸卯秋

錫青齋制府受

命治蜀宏謀遠慮重障邊陲

奏升直隸廳管轄巴裏兩台立事權而資悍衛檄取廳志以備考察誠意洞悉邊情此今日纂修之不可緩圖者也

廷怨不敏謹按郡志摘錄繕呈容當采拾成書邀鉅卿釐正付梓恐多挂漏


未為完篇以俟後之賢士大夫補輯是為敍

# 星野


井鬼分野圖



# 興圖



圖廳隸直箭打



鑪霍屯界

鵝籠江

鵝  
龍  
江

裏塘界

裏塘界

崇化屯界  
懋功廳廳界

天全州界

廳從回土司從。

村場從・山

巔從山之根脚從路從

界從一 河從

橋從一

廟從丘巡檢從日

界縣寢冕

全世界

打箭廳志稿

卷上

打箭廳志卷上



目錄

星野

輿圖

建置沿革

疆域

山川

形勢

關隘

城池

衙署

寺觀祠壇

津梁

古蹟

賦役

待查

鹽政

茶政

郵政

鄉里

物產

水利

風俗

歲支

倉儲

庫儲

課稅

吏賦

星野

井鬼之分入參一度

鑪廳圖考

相傳漢武侯南征遣將郭達安鑪造箭之地距省千里天文井鬼分野為中華之極西西域之極東天時多寒少暑層巒峻嶺峭壁懸崖中隔瀘河勢最險要昔為南詔地向隸青海部落明永樂五年土目阿旺堅參以隨征明玉珍功授為明正長河西魚通甯遠軍民宣慰使司世職然當時第羈縻勿絕而已至

國朝聲教洋溢向化亦誠於康熙三十九年被藏差營官昌側集烈等戕害竊據四川提督唐希順統兵進剿誅昌側集烈等直抵箭鑪而安撫烏番民率衆歡呼跪迎歸附已故土司錫拉札克巴之嗣其妻哀噶通志作工客承襲至堅參德昌始移駐鑪其子甲勒參德漫繼之今之明正土司也管轄鑪之十三錫莊番民約束新附土司及土千百戶計新舊土民二萬八千八百八十四戶上納貢花雜

禁種煙示

全銜王為禁種洋煙永除患害而圖富強剴効曉諭事照得洋煙流毒為禍極深愚賤無知既嗜且種見利忘害貧弱隨之每念及斯殊堪惻憫現奉

上諭嚴行禁革

大憲認真舉辦急宜痛除痼癖力挽頽風故本縣不憚舌敝唇焦編為演說數陳其弊又復製丸設局遍發鄉場使斷癒有資然戒者雖實煩礙衛生其害二傭工販夫日獲有限財為煙耗事蓄無資其害三父兄吸煙子弟效尤甘入迷途莫能約束其害四夫吸婦隨精血衰弱子嗣難育育亦不強其害五吸煙貪眠起輒過午勤儉全失立見家傾其害六開燈酬應男女不分俗墮風偷道喪廉恥其害七家有煙膏取携甚便氣憤吞服易致輕生其害八本縣目擊心傷萬難坐視因念吸之者

衆由於種之者多欲禁其吸先禁其種此鋤惡務盡之義亦簡當不易之方况本縣為爾等整頓棉桑講求種植設學堂以研究農業購機器以試行紡紗果能人人究心何難利源日闢若論樹藝視土所宜或種雜糧或播黍稷或植果木或樹桑麻其利無涯當窮地力豈離土藥遽失利權試念洋煙未行之初中土不乏素封之戶蓋五穀蕃熟倉箱自盈凡物皆養人之資洋煙獨戕生之品與其違禁以取咎何如遵示以改良合行示諭為此示仰縣屬諸色人等一體知悉自示之後爾等勿

論自業佃業山田水田當詳辨三壤之宜廣為百物之種勿貪微利再種洋煙倘言之諄諄聽之藐藐則是心甘酖毒自外生成法固不容情亦難恕本縣調查最密不時下鄉一有見聞立予嚴究人必責飭煙必芟夷言出法隨決不寬宥其各凜遵勿違特示

糧歲折銀歸明正土司徵解鑪廳以石為城漢番雜處凡駐藏使臣及換藏兵丁均經鑪出口自鑪以往夷多重茶悉由內地貿販為茶市總匯設郡丞一員以理夷情秉司糧務向有監督榷稅課今汰之立歸郡丞其地番民雖崇信浮屠然規規小利結以信義而竭誠效順之心雖死不易其志殆亦至性使然耳摩仁漸義則向化益蒸蒸日上矣

裏塘圖考

裏塘在鑪之西天寒多雨雪昔亦青海部落脣齶豐嶂道險迂迴為西藏之要地有土城設糧務一員俗言喇嘛有掌管黃教之大喇嘛名曰堪布為一方崇拜之尊立僧俗營官各一董率事宜康熙四十七年達賴喇嘛降生察嗎甲自遷住西寧塔兒寺後時西藏地方被準噶爾澤旺阿刺布坦遺車零敷多布佔踞康熙五十七年護軍統領溫普及滿漢官兵由鑪出口渡雅龍江直抵裏塘宣諭聖朝德威人心綏定預儲倉庫錢糧待大兵西進次年定西將軍噶爾弼駐兵於鑪前鋒都統先帶兵進藏經裏塘比時青海差達哇朗章巴等陰謀把持裏塘營官遂有逆意官兵計誘達哇朗章巴及營官二名至營誅之立革去堪布喇嘛該地番人咸懷軍威各舉素所誠服者議立堪布一名復設營官以分治其事雍正七年頒給僧俗營官印信俗營官本授為宣撫司僧營官康御江錯授為

副土司乾隆十年以明正土司屬土守備汪結隨剿贍對有功奏補正土司又因剿金首時土舍汪爾結首先納款充補額外副土司凡正副土司均照流官例不世襲輸誠納貢供及徭役現今裏塘正土司業巴札什宣撫土司阿卻錯氏副土司阿鄂策成業巴彭錯供其職而附近裏塘崇善毛了毛茂了曲登四土司亦當時迎師嚮化之酋長今之四瓦述是也

### 巴塘圖考

巴塘在裏之南土地饒美天氣暄妍時令則儼然內地也無城郭設糧務一員山則峻標甲哨水則合流金沙昔為西藏拉藏汗所屬有大喇嘛寺其掌管黃教之堪布由達賴喇嘛委放其管理地方之碟巴由拉藏汗委放年滿更換歷代相傳至康熙五十七年護軍統領溫普帶兵由裏入巴塘至大所通志作大朔即有碟巴暨僧俗百姓附營投見願附版圖及西征之役番民輸誠効力趨運糧儲無少懈雍正四年川滇兩省提督俱由西藏旋師會勘川填疆界次年復遣官指授達賴喇嘛地即於屬之南墩寧靜山即峯嶺立碑定界又於喜松工山與達拉兩界山巔亦立界山以內均屬巴塘山以外盡屬達賴喇嘛查造戶口分輸糧賦七年授土官查什盆錯通志作札什明楚宣撫司授大頭人阿旺林青副土司均照流官例不世襲今之正土司彭錯春丕勒副土司成彩春平等皆於頭人等遴選補

授者也去巴塘九百餘里有地名乍丫昔為西藏闡教正副胡圖克圖掌管自康熙五十八年克取西藏之後即以此地屬達賴喇嘛該處向設糧務一員乾隆十年已移置拉里大抵由鑪城至恭嶺以西去成都益遠隸我版籍日久穰來熙往實繁有徒則蠻鄉蹊徑雖不煩記里之鼓而得之諮詢中者殊無異身親其境矣

### 察木多圖考

察木多古名康中隔乍丫路出西北天時無異裏塘三山環逼二水合流為西藏門戶界通川滇北河有四川橋南河有雲南橋滇省曾安鎮於此今立歸川省立台站設糧務一員有土城本屬闡教胡圖克圖自康熙五十八年大兵進剿西藏始納款焉頒給正胡圖克圖印信住坐察木多大寺其副胡圖克圖住坐邊壩之西喇嘛寺又有倉儲巴通志作昌諸巴五家分管大小寺院現今之大胡圖克圖怕克巴拉二胡圖克圖昔瓦納正倉儲巴多景囊結其俗崇信浮屠生子半為喇嘛喜啖生物尚滋味凡習俗與巴裹二塘少異有草地進藏之類伍齊亦築土為城周二百餘丈內建大寺竣宇崇檐巍煥奪目有紅帽子胡圖克圖協理黃教原隸西藏部落番民多居黑帳房自康熙五十八年與其地西南之洛隆宗俱授誠歸化洛隆宗之西又有碩殷多亦屬西藏部落有

碟巴貳名掌理黃敎後被準噶爾佔距西藏亦遣陀陀寧桑凌轡其地僧俗人俱不勝其虐康熙五十八年定西將軍噶爾弼統兵進藏該處碟巴人衆迎師歸誠而陀陀寧桑遂潛回西藏比總統遣弁改飾異服即今碩般多碟巴嚮導至索馬即擒獲之於是干戈寔謐屬民咸恭承糧役無懈以上三地方均奉

旨賞給達賴喇嘛而達隆宗則在碩般多之南亦西藏所轄與洛隆宗等同時納款因其四至遼闊差役繁劇又委熟倣者三分治之其棲止有官寨樓房窮荒僻壤蓋別有風氣云

### 拉里圖考

拉里一名喇里在達隆宗西北時氣嚴寒山勢陡險原隸西藏無城設糧務一員所屬寺院歷委大喇嘛主掌兼碟巴事自準噶爾車零敎多布侵佔西藏其地黑喇嘛附逆偽稱河州喇嘛迎師嚮導陰遣番人截奪軍糧後定西將軍得其情計誘之改委喇嘛經理其地現今堪布臨喜江錯大葉爾巴却結札什自是永屬西藏無或僭威又有工布達江在拉里西南工布僻處一隅而江達則西藏孔道天時和暖產稻米有水田絕域中之沃壤也先時準噶爾侵佔西藏工布人衆堅禦之敵不能入後以大兵進藏迎師撫就自今仍隸西藏焉

建置沿革

皇清雍正八年新設分駐打箭鑪雅州府同知汰驛丞歸並同知管理

守 欢 祖

正 丙

斌 改 壮 挑

裕 壇 庙

光緒三十年三月二十三日奉

總督部堂錫 札開光緒三十年二月二十九日准

吏部咨文選司案呈內閣鈔出調署四川總督錫 等奏稱雅州府分駐打箭爐同知本係要缺而現在尤關重要者則以川藏相距七十餘里川之察緩急於藏與藏之資餉運於川二者皆以西鑪為樞紐近年藏務孔亟所以責任該同知者動關艱鉅且徼外各土司地勢荒闊族類繁雜控制本自不易奴才悉心體察莫若將打箭爐同知升為直隸廳近隸建昌道與雅州府分理關外土司管轄如故巴裏塘糧員等官改歸該廳察舉方優核轉案牘前歸府屬之沈邊冷邊等土司暨瀘定橋巡檢均與廳近而府遠一並歸廳專轄該同知廉俸等項概循舊數仍作為衝繁難三項要缺查照山西豐甯等廳

一恩遇齊自製

奏准成案以後該廳缺出無論候補試用各班人員皆准請補試署或於實缺通判知縣等官請升均不計其資俸平時委署則知府直隸州知州立充其選以廣取才嗣後請照馬邊越雋等

廳該同知三年俸滿如果才績卓著

奏請以知府在任候升應無論題調選缺立請無庸先行撤回內地藉資熟練如此變通辦理官秩不易權責較專按諸今日時勢裨補實非淺鮮仰懇

天恩俯准將打箭鑪同知升為直隸廳員缺如蒙

俞允立請

敕下禮部照造印信發川換繳等因光緒二十九年十一月二十四日奉

硃批該部議奏欽此欽遵鈔出到部查據該署督奏稱雅州府分駐打箭鑪同知本係要缺現在尤  
關重要請升為直隸廳等因臣等查該署督所奏係為因時制宜起見自應准如所請將四川  
雅州府打箭鑪同知升為打箭直隸廳同知隸建昌道仍作為衝繁難三項要缺與雅州府分  
理關外土司管轄一切事宜悉歸該廳專轄至該同知廉俸等項仍循舊數定例原係五年俸  
滿題請優敘仍留本任再限三年該督據實稟明送部引

見恭候

欽定奉

旨以應升之缺升用無論何項缺分俱准保升毋庸先行撤回內地其現任打箭鑪同知之員是否

勝任應由該督等查明辦理此後該同知缺出除第一次請補應查照成案但取人地相宜酌

量請補再遇缺出按照山西豐甯等缺章程無論候補試用各班人員皆准請補試署到任後

俸滿照例辦理委署不限官階凡實缺候補知府直隸州知州同知皆准量才酌委以重邊要  
至原奏內稱請

敕下禮部照造印信發川換繳禮部查雅州府打箭鑪同知升為打箭直隸廳同知既經吏部議准  
自應另行鑄給打箭直隸廳同知之關防以昭信守恭候

命下由吏部撰擬字樣送部鑄造其原頒舊印俟接到新關防即行鑄刻繳字送部銷燬其餘未盡  
事宜應由該督隨時奏明辦理等因光緒三十年二月初六日具奏奉

肯依議欽此相應知照可也等因准此

駱制軍 奏摺

奏為剿平瞻對善後事竣漢土藏兵均已凱撤西疆一律肅清恭摺由驛具

奏仰祈

聖鑒事竊臣等前將剿滅瞻音大概情形附片陳明在案前據委辦夷務鹽運使銜候補道史致康  
稟稱所派文武委員督同番官暨各土司會同藏兵攻克瞻對新舊兩寨將土音工布朗結及  
其子焚誅擒獲頭人六名瑪羅布札喜立即正法立將生擒之東登工布及其親屬分別押解  
回藏辦理各處土司均已安撫所有藏兵酌發犒賞現已陸續起程回藏等因查中瞻對自乾  
隆十年剿辦以後自嘉慶二十年又與土司構畔滋事該首羅布七力與其子工布朗結先後  
繼惡數十年來屢啟邊衅自羅布七力既伏冥誅而工布朗結貪狼性成勢復鳩張侵佔各土

同地界搶奪印信號紙強梁自逞道光二十八年前任督臣琦善督兵剿辦挾川省之全力未

能

得平不數年間工布朗結蠶食鯨吞竟將霍耳等五家土司與德格土司竝西寧迭木齊二

十五族地方全行侵奪竝擾及藏界圍攻裏塘燒燬台站意在窺伺藏界經藏中派番官帶兵

堵剿未挫兎鋒迨麻書土司四朗汪結親至打箭鑪城面請委辦夷務候補道史致康調兵助

剿當經史致康密授機宜多方激勵該土司願効前驅約會被害各土司同時反正合謀協力

竝接引藏兵節節進攻屢獲大勝明正土司甲木參齡慶亦派頭人帶領土兵出境會剿文武

委員督率藏土官兵遂將瞻首新舊兩寨圍困維時接史致康密稟知籌辦得手機會大有可

圖飛飭將裏塘夷務辦結後即馳赴瞻對立調弁兵運送大炮分路環攻乃得搃穴擒渠除此

巨患實足大快人心被害各土司及難夷等流離失所一旦得復舊地無不歡欣鼓舞各安住

牧惟卓巴寨耳塔保守備注慶住牧地方自被瞻首侵佔後現查土守備注慶既無正支可以

承襲各土司中惟麻書土司四朗汪結尤為出力應將卓巴寨耳塔地方責成該土司兼管番

民亦皆悅服其瞻對上中下三處地方經達賴喇嘛派番官帶領藏兵會同漢土官兵剿滅瞻

首未便沒其微勞仰望

天恩將瞻對三處地方

賞給達賴喇嘛派堪布管理建廟焚修應請

敕下駐藏大臣查明請

旨遵照辦理其裏塘案內在逃之崇喜土司拉旺仁曾聞拏自行投出已交番官解赴藏中辦理藏

兵現已起程回藏所調漢兵暨各土兵均於十月三十日凱撤臣等查此次剿辦瞻對焚誅首

逆收復侵佔各土司地方縱橫三千餘里一百餘年邊患永絕根株並未勞師靡餉此皆仰賴天威即臣等亦不料成功如此之速前此藏路屢撤台迨雖由瞻對擾害而各土司藉詞要挾亦所不免經此次剿滅盡淨之後均皆震懼各土司恪遵斷牌邊陲自此可期靜謐史致康督飭文武委員及漢土藏兵在邊徼出力兩載有餘均屬者有微勞容臣查明擇尤酌保仰望

鴻施以資鼓勵至藏中番官喇嘛等應請

敕下駐藏大臣查明奏獎所有剿平瞻對善後事竣西疆一律肅清漢土藏兵均已凱撤緣由謹合

詞恭摺由驛具

奏伏祈

皇太后

皇上聖鑒謹

奏同治四年十二月十四日奉

上諭崇實駕秉章奏剿平瞻對官軍凱撤一摺瞻對逆首工布朗結自道光二十八年以來強梁自逞侵佔各土司地界復圍攻裏塘窺伺藏界經崇實駕秉章派令道員史致康激勵麻書土司四郎汪結等協力接引藏兵節節進攻明正土司甲木參齡慶亦派兵會剿史致康由裏塘馳赴瞻對調派弁兵分路環攻將瞻對新舊兩寨全行攻克逆首工布朗結及其二子均被焚誅立將擒獲頭人六谷瑪羅布札喜正法其主擒之東登工布及其親屬押解回藏官兵陸續凱撤辦得甚屬得手瞻對逆首以邊隅小醜膽敢逞其不軌蠶食各土司久為藏道之害此次擒究擒渠洞足以快人心而伸天討所有瞻對上中下三處地方即賞給達賴喇嘛派堪布管理

建廟梵修立著駐藏大臣查明奏請辦理收復各土司地方均著飭令各安住牧安為安捕其卓巴寨耳塔土司既無正支可襲卽著將該處地方責成麻書土司四朗汪結兼管道員史致康督率員弁漢土藏兵攻剿兩年收功高速著崇實駱秉章酌請獎勵出力員弁一並擇尤保奏藏中番官喇嘛等立著駐藏大臣查明請獎餘著照所請行該衙門知道欽此

丁制軍 奏摺

奏為瞻對裏塘界址不清迭滋事故現已遵

旨劃明界限刊碑立案瞻裏地方一律靜謐恭摺具陳仰祈

聖鑾事竊查光緒七年臣興前成都將軍宗室臣恒片奏請

旨劃清瞻裏界址一摺准軍機大臣字寄欽奉

上諭恒 丁寶珍奏請飭勘明內地與瞻對地方界址分立界碑等語此次中瞻對地方番官索康

色膽敢稱兵犯境圍攻台寨焚殺百姓現經恒 等派令官兵辦理完竣惟瞻對地方緊接內地必須劃清界限以遏亂萌著色楞勒維嚴行商上將瞻對番官索康色撤回後飭令接戌番

官約期會同該處地方官暨各土司等前往勘明內地將瞻對地面劃清界址分立界碑以後

土司所轄部落番官不得越境逼勒滋擾瞻對所管地方土司亦不得濛混侵佔如有彼此越境滋事即惟所轄之番官土司是問以息分爭等因欽此謹即恭錄分咨轉行在案一面會派候補知府楊福萃前往查辦尚未辦有端倪該府旋即丁憂回籍守制隨委候補知府慶善接辦亦未辦結因事調省另有差委隨查有部署巴塘糧務候補知縣嵇志文上年辦理岩番剗殺司鐸梅玉林之案尚屬妥速當即轉檄飭辦立以該處係建昌道所轄該道寶森熟悉該處夷情並飭該員指授機宜俾有把握嗣見日久未經辦結臣等恐又另生枝節復專委前任川東道候補道丁士彬馳赴裏塘督辦去後茲據丁士彬轉據嵇志文等稟稱緣瞻對與裏塘界址本屬分明並無紊亂瞻對在大道之南係西藏所轄裏塘在大道之北係川省所轄裏塘舊有三壩查采木拉石地方三處向來由該土司收納夷賦咸豐年間瞻對叛番工布朗結滋事三壩地方概行佔去後將該叛番剿戮遂將瞻對地方一竝

賞給唐古感經營而三壩仍為瞻對所有裏塘土司未免心懷怨恨迨後查采頭目格桑汪清因募贍對勢強又背叛裏塘私投瞻對恃為護符於裏塘反戈相向由是裏塘土司於查采已痛心疾首乃裏塘土目洛宗策登中澤阿雍東尼麥色丹彭錯三人狼狽為奸凌虐木拉石百姓格桑汪清唆使木拉石百姓背叛裏塘往投瞻對於是裏塘土司恨查采入骨帶領土兵問罪立赴台員處具控該台員等以查采本係裏塘所屬始則背叛繼則唆使木拉石百姓私投瞻對大虧不合即督飭土兵嚴拏查采格桑汪清治罪詎該番勾結瞻對派兵相助圍困台寨楊福萃督飭官兵奮勇擊退立將查采三寨平毀由是查番退伏瞻對亦因之奮氣楊福萃辦理善後以為必將界址劃清日後方冀久安因丁憂未得辦致嵇志文奉檄飭辦即將瞻對查管戴

丹巴明足爾調到裏塘傳集毛丫崇喜曲登瓦述各土司到來三面環質聽候剖斷隨查查

三村地方本係裏塘土司所轄而查某之勾結贍番圍台實由裡塘土司之先攻查某起衅裏

塘土司之攻查某實由於查某之唆使木拉石百姓私投贍對所致木拉石百姓私投贍對又

由洛宗策登等之凌虐百姓使然就事論事贍對裏塘兩造均有不是此事若不持平辦理使

兩造平其心而憚其氣縱勉強將碑豎一日後難免不滋他事詐該兩造到裏以來在裏番欲

將三壩查某劃還立欲將查某頭目全行滅絕始覺稱心藏中又不欲退還三壩猶欲奪回查

某又以裏土司稱兵肇畔罪與查某相等堅請一立治罪為抵飾之具各執一詞兩不相下經

嵇志文多方開導曉以利害兩造始漸就我範圍正籌辦間格桑汪清因見各番屢集裏台忽

欲乘勢作亂潛行來裏與其舊日黨羽私相衆議行踪極為詭秘嵇志文訪聞知會地方文武

隨帶弁兵在裏塘寺院圍拏該犯膽敢放鎗拒捕及傷土兵四名經漢番兵練奮力兜拏始將

該犯格桑汪清擊斃即鳥首傳示查某三村俾昭烟戒又探得裏塘土目洛宗策登等三犯逃

至明正地方潛匿嵇志文又檄飭明正土司按名拏獲解赴裏塘經嵇志文訊明該三犯狼狽

為奸實據與裏塘土司無涉將三犯解赴打箭鑪廳監禁以示懲儆立將歷年裏贍交涉各案

逐件為之剖斷清楚裏番之心始平贍番之氣亦憚兩造俱各輸服甘願具結遵斷嵇志文始

於本年三月二十八日眼同三面在裏塘之噶壩窮壩阿壩三壩之北豎立川藏界碑一座又

於三壩之南裏塘之北立碑一座以示區別三壩仍係川疆歸裏塘管理其大道差事近年久

已不支仍飭令查照向章分別應差三壩應土夷賦按年上納查某木拉石地方仍歸川屬由

裏塘管理其一切未盡事宜均明晰列入碑中以資遵守從此西藏不得預聞查某之事取有

番官土司遵依了案分劃清楚各夷結連刷印碑文繪圖貼說一立申費寧由王彬轉懇分別

奏咨前來臣等伏查瞻對地方從前奏請

賞給唐古忒之時未將界址分別清楚本屬濛混但南北大致瞭然豈容稍有混淆只因歷年既久  
强者因便乘利弱者積不能平前辦各員又未秉公速斷以致瞻裏兩番積忿成仇構畔稱兵  
幾至擾及大道實屬不成事體茲該員等遵

旨奉委查辦先究肇畔之裏番以釋瞻番之疑復殄首禍之查番以平裏番之恨兩造均折服各案  
悉就範圍從此裏塘所轄部落番官不得越境逼勒滋擾瞻對所管地方土司亦不得濛混侵  
佔川藏相安邊民永資樂利堪以上慰

宸廑所有在事出力各員之候補道丁士彬督率有方不負委任現任建昌道寶森盡心指授悉合

機宜候補班前先補用知縣嵇志文往來於瘴雨蠻煙之地出入於冰天雪窖之中厯有年餘  
力顧大局不避艱險均屬著有微勞可否仰懇

天恩將丁士彬

賞給隨帶加三級寶森

賞給二品頂戴嵇志文歸候補本班儘先補用儘先千總闖鳳儀以儘先守備留川補用以示鼓勵  
之處出自

逾格鴻施其餘出力各員并由臣等查明給予外獎以勵勤勞所有瞻對裏塘界址不清迭滋事故

現已遵

旨劃明界限立案瞻裏地方一律靜謐緣由除分別咨部立將各夷結碑文圖說附卷存案外

謹會同成都將軍宗室臣岐元合詞具

奏伏乞

皇太后

皇上聖鑒訓示謹

奏光緒十一年十一月十七日奉

旨覽奏已悉丁士彬着交部議敍嵇志文等著照所請獎勵該部知道欽此

奎大臣 奏摺

奏為瞻對番官領兵越界滋事擾及明正土司所屬部落請將不遵開導之僧俗番官先行參處  
聽候委員查辦恭摺具陳仰祈

聖鑒事竊奴才前據阜和協副將打箭鑪同知會銜稟稱明正土司所屬瓦述小村本該明正部落  
向未投瞻在昔瞻對番官彭饒巴胥令助兵守寨後來番官接踵效尤改折兵費復索夫馬詎  
貪心無已恃強逞兵擾及明正邊界致瓦述夷民逃竄無跡該副將等飭令各土司互相保衛  
彈壓明正弗得構畔等情復准四川督臣咨同前由立稱番官現率瞻兵越界滋擾明正土司  
所屬部落那珍一帶地方肆行搶掠焚殺已由川派員前往查辦等因咨行前來當經奴才譯  
行商上轉飭瞻對番官迅即撤兵聽候委員秉公查辦勿再構畔速將番官調藏照例懲辦詎

意商上竟聽番官一面之詞不惟不即約束番官而反具稟瀆訴曉曉不已奴才正在核辦間

接據委辦明瞻夷務委員候補通判秦雲龍稟稱瞻對番官對堆奪吉僧官夷喜吐布丹橫惡異常各家土司無一不遭其剝削欺凌該番官既將闊外土司佔據遂起意吞立明正疆宇去歲三月即令頭目如琫阿呷桑珠率兵以追逐瓦述三村百姓為由結怨肇畔該員到鑪時瞻兵已有二千餘眾長驅深入勢甚鴻張明正積恨成仇互相殺傷甚多當即出示曉以利害明正雖已遵從瞻夷愈加兇惡派弁往諭抗不遵從非言語所能開導又兼瞻對地險人強驍勇健鬪今番官對堆奪吉等仗其兵力爭戰疆土本地頭目等又復從中慾窺其謀叛吞立之心已著等情請示前來伏查瞻番素稱强悍桀驁不馴前於光緒十五年間番官青饒策批日夫於撫字激變地方民心思亂經川藏派員委辦幸得粗平復經前大臣升泰等妥籌善後奏定章程裁革苛政嚴禁番官不法情事甫經結案為日不久民心仍多未附必須加意撫綏以期久安乃該駐瞻番官對堆奪吉等受事後仍復不知警省輒敢領兵越界滋事復蹈故轍西藏距瞻寫遠奴才駐藏逞利實有鞭長莫及之勢僅止嚴飭箚上而箚上明知番官肆虐多方袒護悍然不顧以故番官愈無忌憚若不據實奏參誠恐釀成巨患相應請旨

旨將駐瞻之番官後藏戴琫對堆奪吉僧官小堪布夷喜吐布丹一並先行革職聽候查辦以息爭端一面由奴才譯飭箚上迅即另揀賢員前往接管除咨會成都將軍四川督臣外所有贍番越界滋事請將僧俗番官先行革職聽候查辦各緣由理合恭摺由驛具

奏伏乞

皇上聖鑒訓示謹

奏

鹿制軍 奏摺

奏為瞻對番官屢次領兵越界滋擾明正土司地方現擬查辦情形恭摺具陳仰祈

聖鑒事竊查瞻對番部自改隸西藏以來恃其地險人強往往侵擾附近土司越界滋事上年五月

聞前督臣劉秉璋任內接據阜和協副將徐聯魁打箭鑪同知趙墳轉據明正土司稟報瞻對

番官籍清查明正所屬瓦述三村為名派令頭目統率番土各兵屢次越界滋事擾及明正部

落焚殺搶擄以致瓦述夷民逃竄無踪等情當經咨明駐藏大臣嚴飭該番官迅速撤兵回藏

不得尋衅滋事在案迭准駐藏大臣咨覆該商上皆聽番官一面之詞曉瀆不休本年閏五月

臣到任之後復據打箭鑪文武稟報瞻對頭目現又領兵往明正所屬道場等處地方盤距維

時正值駐藏幫辦大臣訥欽料理起程臣等與之公同商酌必須委員前往川藏交界查勦要

斷以弭邊衅當咨明駐藏大臣嚴飭該番官迅速撤兵聽候查辦一面派委候補通判秦雲龍  
迅速出關相機妥辦奉雲龍甫經出關番兵旋即退去隨派角洛噶達兩汎弁特諭前往開導  
乃該番官抗不遵調出言不遜奉雲龍當即折回遂以該番官對堆奪吉僧官夷喜吐布丹橫  
惡異常叛跡已露非言語所能開導等情稟覆竝稟達駐藏大臣查核臣等查核奉雲龍所稟  
詞涉張皇又以打箭鑪文武於此案情形並不據實隨時稟報乃延宕經年毫無頭緒當經一  
立撤換另派副將陳均山同知郭鳳鳴前往接署飭令會同確查詳細稟覆茲據查明此案實  
由爭佔那珍三村即瓦述而起緣瓦述三村係革布什咱因瞻對番官彭饒巴強橫一切聽其指使初以瓦述三村夷  
間瞻對工布朗結叛亂革布什咱因瞻對番官彭饒巴強橫一切聽其指使初以瓦述三村夷  
民助其守寨旋即據為已有而三村夷民不服情願投歸明正旋以瞻對勢強追索明正遂為  
每年折納糧賦銀四五十兩旋加至七八十兩於是瓦述三村遂歸明正所轄上年春間該番  
官對堆奪吉等忽又索取人民不肯收銀該村民不肯歸附噴有怨言該番官即先後分派堪  
布落桑巴頭目如本率領多人分往瓦述三村地西需索夫馬口糧任意搶擄該村民畏其兇  
惡逃入明正別境藏匿該番官派兵追尋繕寫傳牌分赴明正之屬少吳石宜五角窩喇嘛寺  
等處焚殺搶掠大肆蹂躪明正亦即調兵抵禦互有殺傷比以瓦述頭目阿家奪洛鎗覺小番  
官一名該番官復挾忿添兵大肆滋擾竝霸佔明正角角耳夾壩石息娘三百戶不還至此次瞻  
對退兵實因傳聞明正添兵救援立聞駐藏大臣訥不日過境遂陸續退去迨委員秦雲龍  
派委汎弁前往開導行至距瞻對官寨里許橋邊為番兵持械阻擋不令前往該汎弁見難以

開導即行折回現時明正瞻對暫未滋事等情稟覆前來臣等覆查瞻對明正現在雖已罷兵

惟前此兵端之起實由爭佔瓦述三村既非明正所應有而明正所轄之

息娘三百戶膽對又霸佔不還若不由川藏會派委員為之斷結恐尋畔報復後患仍無已時至瞻對改隸西藏之後曾經川藏派員勘明劃分川藏界限

奏明有案該番官自應各安本分管轄所屬部落乃年來屢次越界滋事此次與明正構兵經查辦員派委汎并持諭往調輒敢抗違不遵實屬強橫恣肆惟聞駐藏幫辦大臣過境遂即退兵以尚有畏懼之心未可遽謂為背叛惟商上袒護番官以致該番官對堆奪吉等敢於越界滋擾似非即予撤參不足以示懲戒而杜後畔臣等現仍飭令打箭鑪又武嚴飭明正土司自守疆土不淮尋衅構兵竝咨駐藏大臣速將駐瞻番官對堆奪吉僧官夷喜吐布丹迅速一竝撤參嚴飭該商上另派委員接管聽候查辦一面另由川藏各派明幹之員調集兩造秉公查辦以杜爭端如該番官再敢抗不遵調越界構兵則是情同叛逆臣等惟有選派將領帶兵前往相機辦理屆時再當陳奏決不敢輕啟兵端亦不敢游忽貽誤所有瞻番越界滋事現擬查辦緣由是否有當謹合詞恭摺具陳伏乞

皇上聖鑒訓示謹

奏

再臣等承准軍機大臣寧寄奉

上諭前據奎煥奏瞻對番官領兵越界滋事當將番官對堆奪吉僧官夷喜吐布丹革職竝分別諭令鹿傳霖奎煥體察情形妥為辦理茲據恭鏗鹿傳霖奏番官對堆奪吉等滋事情形與奎煥前奏大畧相同據稱該番官聞幫辦大臣訥欽過境遂即退兵等語該番官等尚有畏懼之心

即可相機開導著恭錕鹿傳霖會同奎煥訥欽飭令派出各員秉公查辦以息爭端如該番官

等再有抗違情事亦當設法妥辦切勿輕啓兵端是為至要將此各諭令知之欽此欽遵辦理

昨據訥欽來函奎煥奏請將贍對番官對堆奪吉僧官夷喜吐布丹撤參在案接奉

諭旨恭錄譯行商上遵照而該商上竟抗不遵稟覆之詞語多背謬並不將贍對番官撤換據此情

形竊慮春夏之間難免不復出滋事前派去委員秦雲龍辦理不善該番官抗不與議臣等已

將其撤回另委員前往並先行咨商奎煥等派員會辦凜遵

寄諭斟酌情形妥慎辦理斷不敢輕啓兵端容俟開導如何再行續

奏謹會同成都將軍恭附片覆陳伏乞

皇上聖鑒謹

奏光緒二十一年十二月初四日奉

上諭奎煥奏贍對番官領兵越界滋事請旨懲辦一摺據稱贍對番官對堆奪吉等以追逐凡述三  
村百姓為由起意吞並明正膽敢率領二十餘人長驅深入互相殺傷商上多方袒護若不嚴  
行懲辦恐釀成巨案等語贍對番民兇悍屢次滋事此次又復率兵越界意圖吞並明正土司  
地方實屬橫惡異常肆無忌憚番官後藏戴琫對堆奪吉僧官小堪布夷喜吐布丹均著即行  
革職即著奎煥譯飭商上另派賢員接管將此諭令知之欽此

恭將軍 奏摺

奏為贍對關繫川藏全局謹將遵

旨籌度棄取情形恭摺馳陳仰祈

聖鑒事竊奴才承准軍機大臣宇寄光緒二十三年九月十八日奉

上諭理藩院奏達賴喇嘛懇請賣還贍對地方據呈代奏一摺與鹿傳霖疊次所奏情形迥不相同  
此籌辦將及一年至今尚無歸宿以致達賴遣人來京呈訴無論所訴各節是否屬實其心之  
不肯輸服已可概見究竟三贍用兵因何起衅是否鹿傳霖過於操切查辦不公抑或達賴飾  
詞強辯者將確實情形查明詳細具奏前據訥欽奏稱贍對撤歸川屬無可疑慮復經諭令恭  
鍾妥籌善法現在該署督等籌辦情形若何未可堅持收回之說致滋披折如果查明該喇嘛

所呈各節竝無虛妄自當設法轉圜速了為是恭鍾等務即商會一萬全之策一立迅速具奏  
原摺著鈔給閱看將此由四百里各諭令知之欽此邇

旨寄信前來等因承准此仰見

聖明洞鑒邊情瞭如指掌跪誦之餘莫不欽感奴才受

恩深重稍有所見敢不據實瀝陳以慰

宸廑伏查三贍用兵之由實由關外那珍三村乃革布什咱土司游牧之地同治年間贍酋工布朗  
結侵佔其地遂據為已有近年那珍百姓若於藏派番官苛虐相率紛紛逃投明正該番官挾  
明正收其逃民之嫌遂時至明贍交界各土司屬地肆行焚掠兼之朱章土司翁婿爭寵裏朱窩  
投贍贍對番官復干預其事疊擾章境前督臣鹿傳霖先後委員前往查辦適贍對小番官仔  
仲則忠札勇駐兵朱富興川中委員候補知府羅以禮候補知縣穆秉文相值委員所帶之勇  
與番兵爭寓行館互相鬪毆倉卒之際彼此均鎗傷有人委員稟其抗拒亦屬事出有因鹿傳  
霖未加細查遂續派記名提督周萬順率帶安定各軍就近前往彈壓意蓋欲示以兵威使其  
知所儆懼赴案投悔實無剿辦之心也不料該番官見大兵臨境疑懼不敢赴案周萬順見其  
憑寨固守百招不來遂謂其叛形昭著不得不認真懲辦此贍對起衅之由實以界在疑似之  
間致成騎虎之勢雖誤於委員帶兵官懷疑妄稟而實肇於藏中番官苛擾干預也鹿傳霖若  
於懲創之後加以撫綏一函咨商駐藏大臣會咨達賴令其嚴束番官無任苛擾干預則番衆  
必知感知懼何致退有後言自倡議改流關外人心為之騷動在鹿傳霖之意以為贍對係由  
川入藏之路恩欲收復其地為邊境之屏藩又誤聽該處地產五金擬開利源為富強之本不

知贍對在打箭鑪之西北係幹路旁枝竝非入藏要隘且其地並無礦苗間有砂金甚微竭人一日之力不足供一人一日之食夷性至貪設使果產五金豈有數百年至今無人開採之理又況荒遠不毛地不可耕民鮮知禮恐既得之後教養難施設官戍兵強費較鉅當此庫款支絀之際何堪增此漏卮前督臣駱秉章識卓謀深如果贍對為必不可少之區當時決不肯

輕予西藏襄日奏請

恩賞今則又復收回無怪達賴不肯輸服遣人來京呈訴也至於訥欽所奏贍對撤歸川屬無可疑

慮數端語多牽强似非確論西藏涵濡

聖澤二百餘年無論兵數多寡兵力強弱奴才亦知其必不敢妄蓄異謀如果心懷狂悖何以鹿傳

霖收取贍對已經一年該夷毫無動靜即此益徵其恪恭效順矢志無他英人以印度茶葉入

藏為利源大宗幸藏番不食印茶所以川省茶利不致外溢果如訥欽所奏以茶厄藏藏番必

改食印茶不但致生計立窮且恐驅之外向俄人垂涎印度已非一日西藏不通則印度無可

乘之機原奏謂俄國至藏五十餘日山路險阻藏番不肯通險遠難恃之異類抗素受撫育之

天朝等語不知夷性反復無常如撫馭失宜焉保其必無暗通之事藏衛地居兩大俄視之為入印

要津英視之為開埠利藪更恐邊衅一開關係大局匪淺且藏印界務藏番以贍對之故挾制

不肯會勘倘日久遷延失好邦交英人藉口生端尤屬得不償失奴才體察時局近驗夷情達

賴既願請

賞還自應仰體不可堅持收回之

諭安壽轉圜惟夷情譖詐若不與之辨論率還其地恐其不知感反生枝節先慮其挾明正控告之

嫌懷瞻民情願改流之怨一朝返巢愈肆苛虐侵擾則兵連禍結箱制為難瞻民來蘇無望各土司安靖無日大為邊陲隱患反覆籌思擬請先將奴才查明此次兵端由於疑似而啟達賴喇嘛竝無叛逆情形

明降諭旨由駐藏大臣譯行達賴以堅其恭順之誠而安其疑貳之心奴才一面咨商文海訥欽西  
晤達賴開誠布公先責其竊擾干預之罪使之知所警畏然後宣布

朝廷寬大之仁使之知所欽感倘能由警畏而激其天良獻地自贖則收回瞻地有名而無患否則  
仍須籌議

賞還以廣

皇仁而安邊境奴才於此事棄取既不敢偏執已見措置本方亦不肯依違兩可意存諉却惟事闊

川藏大局道遠難於遙揣不能不咨商文海訥欽就近相度情形妥籌熟計以期保藏保川兩

無窒礙我

皇上柔遠為懷如蒙

俯允賞還瞻地即請

飭下文海訥欽一面宣布

聖恩飭令達賴仍舊派員前往戍守瞻對一面取具達賴慎選番官嚴加約束以後永遠不准苛虐  
瞻民侵擾鄰境干預川事文據咨部立案以茲後患如此恩威竝濟該喇嘛必革面指心涕泣  
知感邊境各土司亦得安枕無憂矣事定之後再由奴才會同文海訥欽等專案奏結竝將駐

防關外各軍一律撤回現在文海遵

旨趕緊進藏所有德格朱章巴裡各案亦即由奴才悉心妥籌次第辦理務湏權衡操縱力求萬全仰  
宵旰紓顧之憂所有瞻對關繫川藏全局遵

旨籌度稟取緣由是否有當理合恭摺由驛五百里馳陳伏乞

皇上聖鑒訓示遵行再成都將軍係奴才本缺毋庸合竝聲明謹

奏光緒二十三年十一月初九日內閣奉

上諭上年瞻對番官越界滋事當諭令鹿傳霖秉公查辦以息爭端竝請收回其地原屬咎由自取朝廷因念該僧番等久受國家深仁厚澤豈竟自外生成恐鹿傳霖操之過盛未足以折服其心特將鹿傳霖開缺派恭鍾署理督篆諭令持平辦理茲據奏稱當鹿傳霖派兵進剿之時該衙官等竝非有意抗拒因見大兵臨境疑懼不敢投案憑寨固守鹿傳霖設聽帶官兵一面之詞遂謂其叛形昭著是以有改土歸流之議前據達賴喇嘛在理藩院呈請賞還地方竝覽該署督此次所奏各節是該番官竝無叛逆情形尚屬可信朝廷軫念僧番豈以跡近疑似遽行收回其地所有三瞻地方仍著一律給達賴喇嘛收管毋庸改土歸流達賴喇嘛當仰體朝廷覆育之仁知恩力圖自新即著慎選番官嚴加約束無得再有苛虐贍民侵擾鄰境情事致干罪戾其一切善後事宜著恭鍾妥為經理以期永遠相安至德爾格或未窩草谷巴裏二塘各案仍著該署督悉心妥籌次第辦結另片所奏鄂克什土同學襲一案現據該署督將土婦釋放竝派員前往懋功查辦亦尚中肯即著迅速辦結毋稍遲延欽此

文大臣 奏摺

奏為遵

旨嚴定瞻對約章取具達賴確據恭摺陳明仰荷

聖鑒事奴才竊昨將達賴呈進方物叩謝

天恩各情代奏業經恭奉

硃批欽遵在案前准軍機大臣寧寄光緒二十三年十二月二十日奉

上諭恭鏗奏瞻對蒙恩賞還該達賴自必感激竊恐番官反巢挾嫌報怨愈肆苟虧現飭候補道慶善安為撫馭而番官係由達賴統率恐非漢官所能鈐束請飭文海等就近與達賴約定善後

辦法等語自係為懲前毖後起見文海等身為駐藏大臣恭鏗所奏情形想亦籌度及此即著

與達賴嚴定約章取具慎選番官不再苛虐侵擾確據以期永遠相安立著傳諭達賴嗣後番

官等倘再滋生事端定惟該達賴是間原片著鈔給閱看將此由五百里各諭令知之欽此遵

旨寄信前來奴才當即恭錄譯咨達賴去後旋據噶布倫等來署面稱瞻對地方既蒙

聖恩賞還達賴自當慎選番官即赴該處接收任事至出具確據一層恐滋贍民口實等語奴才嚴

加申飭並諭以

朝廷德音不過為慎重地方撫恤百姓起見爾達賴竟敢不遵循殊難代奏結案該達賴無可如何始  
具信字前來譯稱

諭旨內開嗣後番官倘再滋生事端定惟該達賴是間一節自應恪遵辦理等由並遞來約章一紙原  
載五條譯語間有支離復經奴才刪定共計四條大意約束番官不准侵擾苛虐亦屬遵

旨辦理又據交來奏書一合吉祥哈達一方奴才飭令譯出原文尚無違礙字句查瞻對一案先經

四川督臣鹿傳霖以兵力收取嗣經恭錚奏請奉

旨賞還

聖朝寬宥之仁雖蠻貊亦知感激惟番情動多疑慮具結不肯切實奴才以為業經加

恩賞還達賴已具信字遵定約章不敢違

旨似未便過事追求應請

飭下四川督臣就近派令候補道慶善交代瞻對地方一面仍由奴才咨行達賴即派妥慎番官赴

瞻守不准再滋他事倘番官到瞻之日有藉口捏詞等事委員即無庸交給地方俟說清再

行了結不必上勞

宸慮也除將達賴原遞奏書及所具信字章程鈔單呈

覽茲各明理藩院暨四川總督外所有遵

旨辦理各緣由恭摺具陳伏乞

皇上聖鑒訓示謹

奏

卓和協副將陳均山  
打箭鑪同知劉廷恕  
上川藏憲票

敬稟者案奉

憲台札開案准達賴喇嘛咨飭查那珍三村原案底鑑歷來案情逐細稟覆現應如何辦理以憑譯  
覆等因奉此遵即轉飭明正土司查覆去後茲據該土司甲木參望頃稟稱卓土司遵查始祖  
歷來歸順於康熙五年襲職傳督至今公忠効力沐

皇恩至化變儒冠禮佛法已二百數十年矣飭查關外那珍三村歷案均未聲敘明晰以世守之土  
基非他族所據有敢為據實陳之緣從前那珍地屬不毛先有果洛克野番前來住牧即黑帳  
房牛廠哇之類芻牛羊游行聽便查那珍那則瓦述係一地名日晒江巴果達係三村名即所  
謂三族現牛廠百姓就水草牧牲為業仍當烏拉差使其情亦實因敝先年革什咱土司那木

札爾丹增興土司故父甲木參齡慶郎舅親誼將那珍借與游牧此所謂革布什咱游牧地之  
由來也瞻酋工布朗結貪狼強惡吞立三瞻蠶食各鄰封土司地界道光二十八年

總督部堂琦督軍剿辦撫定咸豐九年復叛

總督部堂駱奏川藏動兵同治四年十二月十四日奉

上諭將上中下瞻對三處地方賞給達賴喇嘛派堪布妥為管理毋任再有構衅以期永安長治土  
同所管那珍實不與瞻對相涉自番官彭饒巴由藏商上派管瞻對虎視日強霍耳等家及革  
布什咱各土司皆畏其勢聽其指示派出土兵守護瞻寨隨將那珍立派在瞻同守行所無事  
習以為常嗣因番官白利色郎青饒策批橫徵暴斂民不聊生光緒十六年九月上瞻對吳魯  
瑪地方夷衆百姓激變驅逐白利革職經川藏委員設法擎匪辦平土司故父將那珍百姓安  
撫十九年藏垣派僧官夷喜吐布丹番官對堆奪吉到瞻清理故父從中理說那寨之兵每年  
認折幫差費銀七十五兩應給十六七八九年分差費均已如數交清藉以和睦鄰瞻原為保  
衛百姓實為息事甯人見地免得上操

各大憲全心該番官對堆奪吉等人欲取那珍百姓烏拉索要多費二十年二月派小番官洽  
桑巴帶領馬隊往松林口少吳石滋擾致起邊衅蒙

總督部堂鹿奏派官兵剿平瞻對將對堆奪吉等參革復蒙

成都將軍恭奏奉

上諭三瞻地方仍著一律給達賴喇嘛收管慎選番官嚴加約束毋得再有奇虐侵擾鄰境情事致

于罪戾隨蒙派來番官四郎多布吉忽悉夷情顧持大局經委員將瞻對地方交割接管奉督

辦贍對善後道台

升任駐藏辦事大臣慶諭查那珍係明正之地前既出有差費之舉仍應以敎和賄飭土司每年幫貼番官差費銀八十兩今頭人色文明經手按十月收繳庫飭知番官派人領取永無增減土司遵照已飭色文明收解二十五六年分銀一百六十兩蒙飭番官四郎多布吉不來文領反稟請咨行盒交還原案歷有底蘊應求循舊安常現贍對番官要那珍之地革布什咱土司澤旺恆珠要那珍之地凡物莫不有主豈可輕棄與人土司受

皇上覆載之仁守祖宗世繼之業仰達賴慈悲普濟五蘊皆空川藏本是一家皆屬衆生赤子伏祈文武命主子將此下情轉稟

川藏大憲察核咨明達賴喇嘛佛印宏施札飭四郎多布吉體恤邊夷遵

慶大臣前稟定案每年收那珍三村差費銀八十兩庶邊事兩無猜疑地方永遠安息伏乞俯賜核轉實沾恩便等情據此副將卑職查該土司甲木參望項所稟係屬實在情形從前那珍地方本屬明正原來果落克野番住牧後借興革布什咱為游牧地前番官彭饒巴管理贍對勢強派取鄰封土兵守護贍寨日久視為例差迨後對堆奪古等利欲強奪漢官稟辦未能秉公詳敘案情致開兵畔甫將三贍收歸川沿隨奉

上諭責還慎選番官嚴加約束毋得再有苛虐侵擾鄰境情事致干罪戾

聖訓煌煌各宜欽遵安定該土司遵飭那珍三村每年繳幫差費銀八十兩既已降心下氣原期保

合太和川藏原屬一家土夷皆係

朝廷赤子應體

上天好生之德豈可再滋異言惟有稟懇

咨明達賴喇嘛飭知番官四郎多布吉安常處順遵照

前升任慶大臣斷案收取那珍帑差費銀永遠相安遵守在達賴喇嘛為萬家主佛明目達懇蒙憲台重保樟邊疆靖夷弭患所有遵飭查辦緣由理合馳稟

憲台俯賜察核批示飭遵除稟

提督軍藏  
憲暨

臬藩道憲外為此具稟湏至稟者

### 疆域

廳為四川省西南極邊無正西界壤及藏衛大道統轄關內外各土司部落升直隸廳隸建昌道

至京六十六百九十里

至省九百九十里

至雅州府六百三十里

至巴塘寧靜山交藏界一千四百四十五里

東至瀘定橋交冷邊界一百九十里

西至瞻對抵熱桑泥界五百二十里

南至雅龍江即圖中之中渡文裏塘也二百八十里

北至金川界五百五十里

東南至越雋寃甯界六百里

西南至喇滾抵熟桑江邊界四百八十里

西北至甘孜界六百八十里

山川

南無瘠山

鑪東里許高

五百餘丈

大嵒山

鑪東八十里高

陟繞四盤折

郭達山

鑪東一里約高七百餘丈

呵喇穆公山

鑪西三里約高八百餘丈

雅納溝河

自大蓋山雪山發源八十里流入鑪北里許與鑪河合流七十里而入魚通河

瀘河

自折多發源四十里入鑪中趨流冷磧佛耳岩沈邊界至小水右百二十里入清溪

以公溝

自野牛山會諸水一百里繞龍壩鋪沈邊同入瀘河

化林海

西南山頂一海廣不過三里化林坪人皆飲之用木槽引入

折多山

鑪南四十里進藏要道

大蓋山

雪山

鑪北八十里終歲積雪不化餘山層疊夷人不識無從考查

沈塞溪

河出化林南荒山無水源至沈村脚下浸入上中不見所出

飛越嶺

解見  
關隘

彌勒山

泰寧西南約高千丈傳言上有仙蹟

白馬山

泰寧北約高二百餘丈

鷹嘴山

泰寧北三山相連形似鷹嘴

玉屏山

泰寧西北約高千丈峯巒奇秀四季積雪不消連綿玉崗等山

慧峰河

源自大小溝及乾溝三水交流至觀音岩畔繞泰寧右合左水入瀘河

海子河

源自南山下流繞泰寧左右合水入瀘河

形勢

層巒峻嶺峭壁懸崖中隔瀘河天生絕險縱中馭外而猛奇制勝之勢

關隘

大卡

城東門監督徵  
收出入關稅

柳楊卡

城東三十里康熙四十一  
年設立巡查處今廢之

瀘定橋

在廳治之南河深水急两岸  
懸崖鐵索安橋邊隅險阻

飛越嶺

在泰寧之東南其勢巍峩其路蜿蜒石磴木棧宛  
登天半山建廟宇關卡盤查出入誠雄關防汎

兩路口

在泰寧之東北高山聳峙接  
壤天全為邛州天全要道

城池

廳治二水中流四圍列嶂雍正八年安設阜和營倚山修砌石城三堵計一千一百四十七丈東西北三門週圍六里三分光緒二十七年重修完固

襄塘城

國朝雍正三年巡撫王景灝具

題委南部縣知縣曹源邵專督遂寧縣知縣盧召斌協理建築城垣

巴塘城

雍正三年巡撫王景灝具

題委眉州知州馬世端專督州判李喬林協理建築城垣

噶達城

雍正三年巡撫王景灝具

題委雅州知州楊文彩專督天全州經歷修世祈協理建築城垣

衙署

廳署一所

在城內  
河西

照磨署一所

在廳署  
右側

巡檢署一所

在瀘  
定橋

監督稅關

康熙四十  
一年安設

行台一所

城內  
河西

阜和協署一所

城內  
河西

阜和協左營都司署一所

城內  
河西

千總署

毀存地基  
今佃房住

把總署 殿存地基  
今佃房住

泰寧營都司署一所  
昔年協署距廳城一百九十里

泰寧汎干總署 殿存地基  
今佃房住

壇廟

武侯祠

城河東雍  
正八年建

關帝廟

城河東雍  
正四年建

陝西館

城河  
西

川王宮

城河  
西

江西館

城河  
西

郭達廟

城河西雍  
正四年建

惠遠廟

廳城西北一百四十里地名郭達即今改名  
泰寧康熙四十二年建前達賴喇嘛住坐

觀音閣

東關  
山嶺

喇嘛寺

雍正七年重修  
賜名惠遠廟

漢金寺

城河  
東

禹王宮

城河  
西

文昌宮

城河  
附文  
昌宮

大神廟

城河  
附文  
昌宮

娘娘廟

城河  
西

龍王宮 東門  
城外

先農壇 東門  
城外

昭忠祠 城河  
西

社稷壇 東門  
城外

關帝廟 泰寧  
東隅

娘娘廟 泰寧  
南隅

城隍廟 泰寧  
西隅

全華廟 泰寧中市相傳十三太保之五太保於此成神名全華太保威靈顯應無惑不通

觀音閣 泰寧東里許其山聳峻壁立丹崖翠柏蒼松環山羅列潺潺

洞水靄靄琉璃鵝頸喧猿猴轚轚誠心祈嗣響應不爽

### 津梁

上 橋 城內木  
植修建

柳楊橋 麗東三  
十里

中 橋 城內木  
植修建

大藏橋 麗東四  
十里

下 橋 城內木  
植修建

大扶梯橋 麗東五  
十里

將軍橋 城內木  
植修建

瀘定橋 麗東一百二十里西岸橋頭高二丈四尺按二十四杰下面入水底九尺以按九

宮通計高三丈三尺深六丈四尺按八八六十四卦寬四丈九尺按先天斗數河

口寬三十一丈一尺鐵索九條寬九尺索之長過橋身八丈餘左右施天索四條上鋪板片利涉大川橋頭兩岸修立房舍建造牌坊各一座上懸

聖祖仁皇帝御書瀘定橋匾額橋東建立  
御製瀘定橋碑文一座橋西建立

御書瀘定橋碑一座設兵於橋東西兩岸盤查過往奸宄朝夕啓閉封鎖稽查更甚嚴密其橋勢若

長虹為泰寧扼要重汎建自康熙四十四年成功於四十五年四月告竣橋東鐫

鐵牛一隻橋西鑄鐵蟠蛇

一条以鎮水性垂諸悠久

沈村橋

沈邊土  
同故地

永濟橋

冷邊土  
同故地

中 渡廳南二百八十里每歲冬春搭

浮橋夏秋濟渡船為藏衛要津

### 古蹟

郭達山

驢東一里昔名沙洼納因武侯七擒孟獲命郭達於此造箭  
因名今箭鏃尚存時有青羊繞山而行夷人敬畏不敢輕至

溫泉

驢南十五里地名榆林宮由大山腳自然泉流水性溫緩四時不竭  
就泉口相隔五丈餘開池修蓋房屋人常往浴能除風濕積疾

慧峰巖

泰寧東里許崖懸壁立中結蜂房六七窩釀蜡不釀蜜其蜂每年二月來必由協署儀門  
飛入繞堂旋轉始赴崖穴結窩至九月去亦由協署繞堂旋轉西去不知其處所釀之蜡

十月居民赴崖焚祝懸繩墮入於崖半取蜡獻於全華廟灌千劬燭供神前可

點一年晝夜長明相傳自漢及今後人建亭於崖半時有白鬚黑猿成羣出沒

鎮峰頂

在慧峰崖之前其後山即觀音崖上建觀音閣亭左乾溝河右  
慧峰河瀑布珠簾滔滔不絕音如韶樂為泰寧兵民遊玩勝景

海泉

在泰寧南山下週圍約一里其水四季清澈涓涓  
不息泰寧兵民修木槽懸空引水過澗為眾食用

鹽政

廳治開闢人多食蠻鹽由察哇地方所出夷人駕運來鑪發賣漢人間有由內地天全清溪販鹽者歲銷不多無數可稽

茶政

廳城乃藏衛番夷購茶總匯之處由邛州名山雅安蒙經天全五州縣商人運茶到鑪與番民赴鑪互易行銷額行茶引九萬五千四百一十五道每百道稅銀十八兩閏月加一兩五錢茶票每張課銀一兩光緒七年

總督部堂丁

奏明改設茶關委員徵收按二四七十月分別報解

鹽庫彈收茶商零星年清年欵

郵政

驛站馬一十二匹每馬日支草料銀一錢二分馬夫六名每名日支工食銀九分六釐咸豐四年  
抽撥納溪縣馬二匹夫一名現在馬十四匹夫五名鋪遞乾隆九年為請復設川省之鋪司額設鋪  
遞二十鋪共鋪司兵八十名廳治地處極邊米糧食物倍於內地每名月給銀一兩共銀九百六  
十兩

廳治東底鋪 沈亢鋪 柳楊鋪 大藏橋鋪 日地鋪 頭道水鋪 瓦寺溝鋪 冷竹關鋪  
大烹壩鋪 小烹壩鋪 咨哩鋪 卜日壩鋪 安樂壩鋪 大壩鋪 瓦角鋪 冷碛鋪

興隆鋪 鹽水溪鋪 化林坪鋪 飛越嶺鋪

廳治北底塘 三道橋塘 王牧塘 熟水塘 角交塘 新店塘 山根塘 上板橋塘

白土坎塘 召里塘 東谷塘 弓挿塘 章谷塘 大岩塘

廳治南底塘 折多塘 提茹塘 安糧壩塘 東俄洛塘 卧龍石塘 八角樓塘 河口塘

瀘定橋

驛站烹壩設馬一十二匹每馬一匹日支草乾銀一錢二分馬夫六名每名日支工食銀九分六  
釐沈村設馬一十二匹每馬一匹日支草乾銀六分馬夫六名每名日支工食銀四分六釐瀘定  
橋巡檢經管在

藩庫具領

鄉里

國朝改設流官開闢蠻疆草野漢夷商賈貿易近日生聚日繁四鄉雜處由土司立名備考各後查

取詳敘

物產

關內東隅瀘定橋冷磧等處有田播種稻穀其餘山土種豆麥雜糧關外蠻野高山地多不毛間有種青裸莞豆廳城園土能種小菜較昔年物土大變地獻其靈矣

麝香 鹿茸 貝母 蟲草 知母 雪蓮花 大黃 防風 黃芩  
秦艽 狼皮 牛皮 羊皮 馬皮 猪皮

水利

廳治四面皆山地鮮種植高峯積雪終年不化夏日雨水亦多山溪水漲因無水利

風俗

番俗夷情男女無別語言鈎輶格喀飲食酥油糌耙熬茶遇婚娶不會賓客遇死喪不行弔祭信

崇佛教喜延喇嘛唸經為事

歲支

廳治蠻吏向無學校 文廟書院春秋致祭 文昌宮

關帝廟 社稷神祇 龍王廟

先農壇各祭祀銀三十八兩

廳同知俸銀八十兩養廉銀一千兩各項役食銀六百三十四兩

照磨俸銀三十一兩五錢一分五釐養廉銀一百五十兩役食銀三十兩

瀘定橋巡檢俸銀三十一兩五錢一分五釐養廉銀一百二十兩役食銀六十兩

廳例奉文每歲恭辦年端一貢紅花六觔黃藏香六十觔唵叭香六十觔吉利香六十觔淨麝香

五十兩共發領價銀四百六十兩購價不專由廳支給

廳城河東河西義學二堂以行稱抽作學資每年共銀一百四十四兩

瀘定橋義學一堂以猪釐抽作館師束脩每年銀四十兩

興隆舖義學一堂以斗息抽作館師束脩每年錢四十千文

### 庫儲

鑪庫邊備銀二萬兩前同知趙 墳因慮挪移公虧稟明有邊務請領現存藩庫

藩庫按年籌撥台餉銀六萬五千兩委員兩次解鑪內支裏塘台餉一萬兩遇閏加銀一千兩 巴塘台餉

二萬兩察木多台餉一萬三千兩拉里台餉一萬三千兩道輶札提製辦賣需銀三千兩餉到分  
別發領鑪庫按月開支造冊具報請核

藩庫按年准藏咨川籌撥藏餉銀六萬兩委員解鑪庫暫存聽候前藏糧員發給文領由番商來  
庫分赴匯兌無存

倉儲

常平倉積存常平青裸四千三百四十六石

常平倉積存常平小麥一千石

常平倉存籌備案內清溪縣撥運邊備穀五百石

常平倉存積穀案內奉文採買邊備穀四千石

前噶壁汎地震開除穀八百九十八石

瀘定橋巡檢倉分存邊備穀一千石

爐廳倉廩四十五間

稅課

監督鑪關每年額徵茶稅銀一萬七千一百七十四兩七錢遇閏加徵銀一千四百三十一兩二  
錢二分五釐撥支達賴喇嘛茶葉腳價銀五千一百二十二兩三錢班禪喇嘛茶葉腳價銀七十  
七兩七錢泰寧堪布喇嘛師徒七十一名每名日支口糧衣單銀三分零三毫五絲二忽五微共  
支銀七百餘兩下存銀奉

藩文撥發阜和協左右泰三營廉俸兵餉按年核實具報

額徵每年難稅銀二千五百餘兩光緒二十六年奉飭各營裁兵減餉札提儘數批解藩庫年清

年款

夷賦

沈邊長官司每年認納雜糧折徵銀五十兩

冷邊長官司每年認納雜糧折徵銀四十一兩二錢三分五釐

明正土司所屬土千百戶每年認納雜糧折徵銀一百六十一兩零七分

官房地租銀五十四兩

裏塘土司認納夷賦銀四百五十兩

巴塘土司認納夷賦銀二千零一十四兩八錢二分一釐

霍耳章谷等處土司認納夷賦銀一千二百八十二兩

戛龍麻里土司認納夷賦銀十一兩五錢

类别  
编号  
册数  
售价

16766

又  
100-



以上共銀四千零六十四兩六錢二分六釐除支銷裏塘土司養廉銀四百四十八兩五錢通

繹四名共支工食銀一百二十兩遇閏加銀十兩實存銀三千四百八十六兩一錢二分六

釐儘數撥發泰寧營廉俸兵餉馬乾開支具報

打箭直隸廳志 卷下

打箭廳志卷下



目錄

兵制

屯政

籌邊

土司

廳至裏塘路程

裏至巴塘路程

巴至察木多路程

察木多至拉里途程

拉里至藏途程

兵制

阜和協鎮一員

左營都司一員

千總二員

把總四員

外委五員

額外四員

額設馬步戰守兵五百一十五名光緒十一年奉裁馬兵五名戰兵二十名守兵二十七名光緒二十一年奉裁馬兵四名戰兵十八名守兵二十五名又抽多裁兵十六名光緒二十四年

奉裁馬兵四名戰兵十六名守兵二十一名光緒二十九年奉裁馬兵九名戰兵四十二名守

兵五十六名現存外委馬兵五名額外馬兵四名馬兵一十四名戰兵九十八名守兵一百三

十一名

統存馬步戰守兵二百五十二名

火藥軍裝庫一所

泰寧營都司一員

千總一員

把總一員

外委二員

額外二員

額設馬步戰守兵三百五十四名光緒十一年奉裁馬兵五名戰兵十一名守兵二十名光緒二十一年奉裁馬兵四名戰兵十名守兵十八名又抽多裁兵十一名光緒二十四年奉裁馬兵四名戰兵九名守兵十五名光緒二十九年奉裁馬兵九名戰兵二十三名守兵四十二名現存外委馬兵二名額外馬兵二名馬兵十九名戰兵五十三名守兵九十七名統存馬步戰守兵一百七十三名

火藥軍裝庫一所

關外

麻書汎千總一員

噶達汎把總一員

角洛汎把總一員

章谷汎外委一員

中渡汎外委一員

撥浪工汎外委一員

火竹卡汎外委一員

## 屯政

麻書土司札喜旺甲兼襲章谷土司之職因在麻書暴虐苛刻百姓尤繕二十五年八月被仇戕害章谷無人承襲曾於二十二年

總督部堂鹿委員顧令恩禮辦理屯務二十四年賞還查實無可襲督票蒙

總督部堂錫飭刊鑪霍屯務關防改土歸流兼管霍耳倬凌麻書孔撒白利東科五處土司夷務仍隸鑪廳轄治現委李令之珂視事屯屬創始飭令將人民村塞戶口出入開支用行政地方出土四至界限種種一切事宜議呈章程核定遵照

附土司百戶歸屯備查

霍耳章谷安撫司

唐古咸音譜  
為札格郭

住牧本地東界一百一十里瓦述更平西界一百一十里孔撒南

界二百八十里下瞻對北界七十里倬倭至廳城五百二十里始祖羅藏側旺於雍正七年授誠授職頒有印信號紙傳至札喜旺甲兼襲被害無人襲晉改屯所管番民三千三百零二戶每年

認納賦糧折徵銀一百八十二兩

霍耳納林冲長官司丹忠頒有印信號紙所管番民一千三百零一戶每年認納賦糧折徵銀八十  
六兩

瓦述色他長官司那木卡策凌頒有印信號紙所管土民三百五十戶每年認納夷賦狐皮十五張  
折徵銀七兩五錢

瓦述餘科長官司噶爾藏却札頒有印信號紙所管土民六百四十五戶每年認納夷賦貢馬三匹  
折徵銀二十四兩

瓦述更平長官司拉龍嘉布頒有印信號紙所管土民三百戶每年認納夷賦狐皮二十張折徵銀  
十兩

瓦述色他土百戶格骨交有號紙無印信所管土民五十戶每年認納夷賦狐皮八張折徵銀四兩  
瓦述更平土百戶樂克有號紙無印信所管土民四十戶每年認納夷賦狐皮五張折徵銀二兩五錢  
瓦述更平東撒土百戶登珠有號紙無印信所管土民四十戶每年認納夷賦狐皮五張折徵銀二  
兩五錢

瓦述墨科土百戶白馬朗結有號紙無印信所管土民五十戶每年認納夷賦狐皮四張折徵銀二兩  
以上長官司土百戶八員名均於雍正七年授誠授職歷不報襲住牧草谷地方附草谷屯員

籌邊

打箭鑪故旄牛徼外地也雅州西去大渡河五日程羌蠻混雜連山接野鳥路沿至漢水平中  
白狼槃木唐荊等百餘國舉踵奉貢踰越山坡負襁而至皆此種類蜀漢時諸葛武侯征孟獲  
遣郭達於此造箭因名打箭鑪至今土人猶廟祀郭將軍方輿勝覽云大渡河於黎州為南邊  
要害之地唐韋皋拒吐番李德裕拒南詔皆扼此水為險要故議者謂大渡河之不守則黎雅  
邛嘉成都皆擾宋建隆二年王全斌平蜀以圖來朝議欲因兵威復越雋藝祖以玉斧劃此河  
曰此外吾不顧有也於是為黎雅之極邊曩時河道平廣可通漕船自玉斧劃河以後河之中  
流忽陷五六丈河流至此澎湃如瀑從空而落春撞怒號船筏不通名為噎口殆天設險以  
限羌蠻也元明時番人俱於此地立易茶馬自明末流寇之變商民避兵過河攜茶貿易而烏

斯臧亦適有喇嘛到鑪彼此交易漢番雜處於是始有坐鑪之營官管束往來貿易諸番脅經  
更替歷有年所我

朝定鼎德威所被直通西域康熙十九年恢復關山相嶺則打箭鑪一區亦川省所轄三十五年曾  
經四川巡撫于養志查勘邊疆

題請仍許諸番照舊居處貿易三十九年番蠻阻兵渡河四川提督唐希順

題請剿討會同將軍莽吉祿請集漢土官兵相機進取參將李麟登先破蠻首渡大兵會於河西  
提督唐希順分兵三路進剿連破其地班師抵鑪是役也提督唐希順率遊擊沙虎魏國珍等  
直攻咱威殺蠻四百餘衆進剿哪叱頂攻大岡磨西面共斬八百餘蠻從磨西間道而上奪營  
一十四座斬首十餘級參將馬爾植亦攻大岡遊擊張自成從牛壩截入俱奮勇剿戮賊蠻既

平喇嘛番民等歡呼跪道歸附者一萬三千餘戶皆與宣諭

皇上德威賞給銀牌令各安住牧建鐵索橋於河上

御製碑文取名瀘定明正可於此辦差康熙五十四年西藏準噶爾肆行不法戕害喇藏

上命定西將軍噶爾弼總兵官趙坤副將岳鍾琪等率滿漢官兵由打箭鑪進討之降大小碟巴遂  
克招地雍正七年以新設雅州同知駐紮打箭鑪管轄口外各土司如巴裏一塘以及叉革  
達直通西藏一路廣袤數千里俱安設塘汛要隘處設重兵鎮守自古迄今幅領之廣文德武  
功之大未有如我

朝之盛者但控馭維艱籌邊將吏能加意勿懈則荒裔永靖矣

題請打箭鑪設防疏畧

四川巡撫都察院左副都御史貝和諾

題為籲請官兵駐防打箭鑪事康熙四十年九月初九日准兵部咨職方清吏司案呈奉本部送議政大臣會覆四川巡撫貝和諾題前事內開該臣等會議得先經侍郎滿丕等啓奏打箭鑪安設兵三十名副將一員遊擊五員守備五員千總十員把總二十員令其分防會議准行具

題奉

旨官兵駐防打箭鑪如運送糧餉不致有誤方可令其久駐將運送糧餉有無不致遲誤之處並未詳議應移咨巡撫會同提督等盡情詳議具奏等因欽此欽遵行文該撫在案今據四川巡撫貝和諾疏稱打箭鑪地方將糧餉永遠雇夫背運雖多給腳價但路險途遙難免遲累伏祈

勅部議覆再准督臣席爾達咨稱今逆番已經伏誅打箭鑪已經平定

天威遠震如地巴悔悟前愆稽額輸誠良請照舊貿易我

聖主如天之仁何所不包依然雨露同滋則本部原題化林營官兵移駐打箭鑪又建昌鎮標撥守備一員兵丁二百名汎守化林營乞請殊足彈壓止可於川省廳中酌移一員於鑪撫綏番土兼收貿易貨稅協同鎮守該營糧科自可折價何須輓運何慮打箭鑪新定番王匝測川提標現有官兵四十名可比照陝西督標戍守廣元例每年於五營輪派遊擊一員帶領該營官兵八百名駐防化林營糧科可就近採買不致累民輓運等因又准提臣唐希順咨稱打箭鑪地方新復需兵汎守然必糧食無誤方可久駐

皇土已明見萬里之外查打箭鑪水鴉等處雖不產米穀有青裸麥荳等雜糧可以採買嵐州嘉慶擦道等處有大木雜糧足供兵食既議折給則無運送之煩惟是官兵未到打箭鑪時青裸麥

子每二京斗價銀一錢五六分一錢八九分二錢不等自官兵入鑪以後青稞麥子每一京斗  
價銀二錢八九分或三錢不等今安設官兵止三十人向後價值諒應照舊其米折價銀兩將  
打箭鑪向時之貴賤斟酌折衷比照松潘沿邊米價每斗一錢六分四釐之例折給各兵自行  
採買以得其平等因臣查督臣咨內係設兵事宜合竝敘明具題統候

聖裁等因前來查先經合議著該撫會同提督等將打箭鑪久駐官兵搬運錢糧米石有無遲誤之  
處詳議具奏等因具題行文在案今總督巡撫提督等雖各陳已見具奏該撫竝未將米料可  
否折給銀兩定議具奏再該督止將化林營移駐打箭鑪及建昌鎮標撥守備一員兵丁二百  
名汎守化林營殊足彈壓等語應將此題不便遽議仍行該撫會同可否止移化林營兵五百  
餘名及長久安設兵三千名竝可否折給之處畫一詳確定議速行具題可也康熙四十八年八  
月十七日題九月初一日奉

旨依議欽此欽遵抄部送司案呈到部擬合就行為此合咨前去欽遵查照施行等因到臣該臣看  
得官兵駐防打箭鑪一案准部咨令臣會同畫一詳確定議速行具題臣查打箭鑪係新復之  
區必駐有官兵方可彈壓若官兵三千久駐需用月米概議折給錢糧不無糜費且青稞雜糧  
偶遇歉收兵丁艱於購買亦未可定今議將化林營兵五百七十五名照督臣席爾達原會  
題之疏移駐打箭鑪糧米如提臣唐希順所議照松潘之例折給兵丁自行採買但夷性叵測防  
範宜周相應照督臣席爾達前議撥建昌鎮標守備一員兵丁二百名汎守化林又將侍郎臣  
滿丕與提臣唐希順駐防官兵原疏在本省兵內抽調之一千兵今分為兩營以五百分防嵐  
州烏泥苦泥嘉慶擦道一帶地方以五百駐紮沈村分守三渡兩營設遊擊二員守備一員十

總四員把總二十員兵丁月米照化林營例折給再將提標兵八百名駐紮泥頭撫標兵三百名駐紮蠻莊照廣元之例輪班戍守月米仍照原營估計如此河東共有二千三百名分防聲援鑪內既不慮兵單而錢糧亦不致多費更可免別有抽調之繁其添設臣員俟部覆

俞允之日照沿邊之例揀選

題補衙署營房照川東之例修造自鑪至各營汎作何安塘聯絡之處俟駐妥之日令各將弁確議詳報至日將各渡口設船隻水手情由一並另行

題咨再將成都府同知移駐打箭鑪給予印信令其撫綏抽稅如該同知撫綏蠻夷三年無過令督撫保

題應作何陞用聽候部議等因咨商督提臣去後茲准督臣席爾達提臣唐希順俱與臣會商相

同咨覆臣謹會吏部尚書兼禮部尚書署理川陝總督事務臣席爾達四川提督臣唐希

順合詞具

題伏乞

皇上睿鑒勅部議覆施行

查打箭鑪地方南接裏塘乃西藏經由大路其雅龍江中渡係漢夷貿易往來要津雍正八年達賴喇嘛移駐泰寧中渡河口設都司一員兵二百名稽查彈壓雍正十三年達賴喇嘛奉

旨回詔官兵奉撤今止駐撫標兵丁數名恐不足以資巡防打箭鑪之西北泰寧靈雀等處係由草地路通松潘以及西寧西藏要隘接壤之章谷霍耳甘孜豐爾格等處夷性尚凶惟瞻對夷民

在霍耳甘孜之南裏塘乍丫之北山深地濶素稱强悍雍正八年大兵剿撫之後秉之靈雀設

有官兵防守其地稍知歛跡今官兵奉撤之後瞻對夷衆不時出沒騷擾鄰境又打箭鑪之魯密地方乃大小金川經由要隘而大小金川夷民亦屬强悍魯密隘口亦宜設兵防守此未雨綢繆永甯無患者也

土司

明正宣慰使司住牧鑪廳東界瀘定橋一百二十里冷邊西界中渡二百八十里裏塘南界藥壠六百里冕寧縣北界魯密章谷四百五十里懋功廳屬孫克宗至省一千零二十里至雅州府六百零五里始祖河南會助武侯征孟獲有功封授明正長河西魚通寧遠軍民宣慰使司之職傳至明初阿旺堅參始頒印信號紙未成故絕

國朝康熙五年行查襲職始得噬嘩吧普襲頒換印信二十年吧病故子蛇蜡噬吧承襲三十九年噬吧被營官喇嘛殺死之嗣四十年以噬吧之妻工喀權襲夫職五十六年工喀病故無人襲督有女桑結已經出嫁董卜土司雍中七立為妻七立已故桑結現護董卜印務乃議以桑結兼管明正土務五十七年給以號紙視事雍正三年地震桑結廢死又無人承襲乃議將

桑結之子董卜土司堅參達結兼管明正土司印務十年堅參達結病故有子二人長子堅參

囊康議襲董卜土司次子堅參德昌議襲明正土司歷傳至甲木參瓊珀承襲所管咱里土干

戶一員本噶土百戶四十八名土民六千二百八十三戶每年認納夷賦雜糧折徵銀一百六十兩零三錢二分徵解鑪庫支發阜和協營兵餉每逢年班進京朝貢

咱里土干戶一員古天錫始祖阿交係魚通人明洪武二年投誠授此職銜老病身故呻鳴彌張

承襲因藏番距佔西鑪勢弱隱匿為民

國朝康熙四十年撫平西鑪土千戶古六七力首先投誠仍授土千戶職領給印信號紙歷傳至古廷彥承襲所管土民一百零八戶每年認納夷賦雜糧十八石九斗四升每斗折銀五錢共折徵銀九兩四錢七分住收咱哩東界瀘定橋西界磨西西南界拉索北界大岡日地

本噶土百戶丹巴策丹所管土民二百七十戶每年認納夷賦雜糧折徵銀七兩東界竹巴龕西北界哈呀莊南界惡宣莊北界俄洛

瓦七土百戶汪札爾所管土民一百三十戶每年認納賦糧折徵銀四兩東界安糧壩西界俄洛南界妮媽北界長壩春

俄洛土百戶浪噶索諾木所管土民五十戶每年認納賦糧折徵銀一兩東界沙卡西界瓦七南界打喇石奴庫北界白桑

白桑土百戶策旺諾爾布所管土民一百四十一戶每年認納賦糧折徵銀四兩東界瓦七西界夾龍江南界俄洛北界松山

惡熟土百戶貞亞那木札爾所管土民一百四十三戶每年認納賦糧折徵銀五兩東界瓦壩石

西界松山南界俄洛北界石腊

下八義土百戶工布多結所管土民一百戶每年認納賦糧折徵銀二兩東界脫答西界端谷南  
界上八義北界少吳石

少吳石土百戶安滾所管土民一百五十戶每年認納賦糧折徵銀三兩東界脫答沙甲西界渣  
壩南界上八義北界木轆

作蘇策土百戶沙加札什所管土民一百一十戶每年認納賦糧折徵銀四兩東界

都熟水塘西籠填下松

界俄洛南界咱孟格窪北界沙卡

八哩龍琪土百戶達結所管土民九十戶每年認納賦糧折徵銀三兩東界格嚮卡巴西界夾龍

江南界索窩籠北界擦馬龍

上渡噶喇住索土百戶策旺那木札爾所管土民四十二戶每年認納賦糧折徵銀一兩東界他  
咳西界夾龍江南界汪杰北界渣壩

中渡亞出卡土百戶沙克加布木所管土民一百四十戶每年認納賦糧折徵銀三兩東界俄洛  
西界夾龍江南界八嘛哪北界白桑

他咳土百戶彭錯札什所管土民五十戶每年認納賦糧折徵銀一兩東界松桑西界噶喇住索  
南界住索北界藥冬喇

索窩籠土百戶滾噶所管土民一百戶每年認納賦糧折徵銀三兩東界本居層子西界柏松桑  
南界河口北界下八義

惡拉土百戶羅布藏達爾結所管土民六百六十六戶每年認納賦糧折徵銀壹兩貳錢東界藥

壤西界八烏龍南界夾龍江北界姆末

藥壤土百戶噶爾藏達爾結所管土民一百二十戶每年認納賦糧折徵銀八錢東界松竹寧番

衛西界烏拉南界夾龍江北界姆末

扒桑土百戶格松七力所管土民一百戶每年認納賦糧折徵銀四兩東界惡熱西界他嘎南界

白桑北界八義

木輶土百戶札什彭錯所管土民一百零五戶每年認納賦糧折徵銀三兩東界阿東西界上渣

壩南界惡科北界霍耳打歌

格窪卡土百戶噶爾藏春品所管土民三百七十戶每年認納賦糧折徵銀九兩東界姆末西界

媽寺南界索窩籠北界喀納庫阿他喇嘛工噶烹錯

呻哪工弄土百戶那木下所管土民每年認納賦糧折徵銀伍兩東界拉里西界夾龍江南界八

哩籠北界龍石

吉增卡桑阿籠土百戶端岳特嘉木錯所管土民二百九十四戶每年認納賦糧折徵銀七兩東

界惡拉西界夾龍江南界木豐籠北界格窪

沙下土百戶桑結彭錯所管土民一百九十四戶每年認納賦糧折徵銀五兩東界噶喇雪山西

界瓦七南界作蘇秉北界惡熱

上八義土百戶陳豐嘉木所管土民一百五十戶每年認納賦糧折徵銀四兩東界噶喇荒山西

界色身施南界扒桑北界下八義

拉里土百戶嘉爾木所管土民九十戶每年認納賦糧折徵銀三兩東界諾目阿他喇嘛西界九

熱烏籠南界工柱熱北界俄洛

八烏籠土百戶羅布藏札爾所管土民一百七十三戶每年認納賦糧折徵銀七錢東界惡拉西  
界夾龍江南界惡拉北界格窪卡

姆末土百戶烏堅策凌所管土民一百二十戶每年認納賦糧折徵銀三兩東界工柱西界索阿  
籠西界惡拉北界格窪卡

上渣壩惡疊土百戶那木卡布木所管土民一百戶每年認納賦糧折徵銀二兩東界少吳石西  
界夾龍江南界下渣壩北界霍耳茲攤

上渣壩卓泥土百戶浪布索諾木所管土民一百五十戶每年認納賦糧折徵銀三兩東界木轆  
西界阿東南界中渣壩北界霍耳頭人

中渣壩業窪石土百戶魯普搭爾所管土民一百三十戶每年認納賦糧折徵銀三兩東界莫藏石  
西界卓都南界魯密北界中渣壩地

中渣壩沱土百戶吹克搭爾所管土民一百戶每年認納賦糧折徵銀二兩東界惡科西界阿東  
南界業窪石北界阜泥

下渣壩莫藏石土百戶嘉木錯策凌所管土民一百戶每年認納賦糧折徵銀二兩東界惡科西界阿東  
西界瞻對南界河口北界泰寧

下渣壩莫藏石土百戶嘉木參塔爾所管土民一百八十戶每年認納賦糧折徵銀四兩東界上  
八義西界夾龍江南界噶喇住索北界業窪

魯密東谷土百戶格戎所管土民九十戶每年認納賦糧折徵銀二兩東界索布西界黨闕南界

初把北界柏哈

魯密晉共碟土百戶嘉木錯塔爾所管土民一百五十戶每年認納賦糧折徵銀三兩四界同上  
魯密郭宗土百戶札什彭錯所管土民七十二戶每年認納賦糧折徵銀一兩四錢東界達媽西  
界東谷南界昌拉北界節冗

魯密結藏土百戶綽倭布木所管土民八十三戶每年認納賦糧折徵銀八錢四界同上

魯密祖卜柏哈土百戶七力錯末所管土民一百零五戶每年認納賦糧折徵銀六錢東界晉共  
碟西界達媽南界深山北界巴底

魯密初把土百戶阿布木所管土民八十戶每年認納賦糧折徵銀一兩六錢東界格桑西界約  
結窪南界中達北界晉共碟

魯密昌拉土百戶諾爾布查什所管土民一百一十九戶每年認納賦糧折徵銀一兩四錢東界

達媽西界堅貞南界黨鶴北界郭宗

魯密堅貞土百戶錯克結塔爾所管土民五十戶每年認納賦糧折徵銀一兩東界格桑西界東  
谷南界舍利喇北界朱窩

魯密達媽土百戶札什江錯所管土民一百每年認納賦糧折徵銀二兩東界深山西界郭宗南  
界昌拉北界柏哈

魯密格桑土百戶丹巴策凌所管土民三十九戶每年認納賦糧折徵銀八錢東界大金川河西  
界初巴南界瘡機北界卓囊

魯密木滾土百戶桑濟丹巴所管土民一百一十六戶每年認納賦糧折徵銀二兩一錢東界卓

照抄泰甯惠遠寺碑文

柏葉樽

雍正乙卯元旦果親王奉使泰甯作

四川雅州府知府張桂敬奉刊石

王諭惠遠廟奉

旨賈賜達賴喇嘛弟子七十餘人居住焚修凡有拜佛熬茶布施番人勿得禁止仍照從前可也

雍正十三年二月初二日

御製惠遠廟碑文

我國家受大眷命撫御寰瀛光被四表莫不遵親

太宗文皇帝崇德七年班禪額爾德尼達賴喇嘛知東土有

聖人遣使通款路涉萬里時經數載始達盛京逮

世祖章皇帝時遂親至京師朝覲備蒙

恩眷後以策妄阿喇嘛布垣肆惡逞奸殘蹤西藏

皇考聖祖仁皇帝特遣太師計日平定撫綏入衆各復生業賜令胡畢爾

汗冊印封號安置禪榻重興黃教用以慰番衆皈衣佛法之誠並酌班

禪達賴喇嘛累世恭純之悃也朕御極加意護持俾安淨文因思古今

之有佛教特以勸善懲惡濟人覺世為本黃教之傳所以惟廣佛經

之旨也演教之地愈多則佛法之流傳布愈廣而番彝之嚮善者益衆

西藏既有班禪額爾德尼而近邊之番彝離藏遼遠皆有皈衣佛法

之心因思四川省打箭鑑之外有地曰噶達昔年達賴喇嘛曾駐錫於此爰

相度川原創建廟宇發帑金數十萬兩遣官董司而復西方曰賴本佛廟

之圖式凡為殿堂樓房一千餘間又為平房四百間賜額曰惠遠丹腹輝

煌器用充備置兵以衛之達賴喇嘛來登禪榻率諸徒衆咸就新居諸番

者幼踴躍致喜臣奏言彼土早寒自造寺以來於候和暖深秋木凍則知

茲寺之建人神胥漢山川著豐朕所以仰體

皇考厚酌達賴喇嘛累世懇願之忱且以廣布黃教宣講經曲使番彝道俗

崇法慕義億萬斯年永濟仁壽之域則於佐助王化實有裨益是用記文豎碑以昭示久

雍正九年四月初五日

泰甯惠遠寺碑記

「丑夏裡塘夷務善後事竣奉

命督師勦辦瞻匪新秋過噶達汎駐軍泰寧

勅建惠遠寺仰瞻

御製碑文知寺之建昔年達賴喇嘛曾駐錫於此

朝廷酌達賴喇嘛累世恭純之忱相度山川發帑金數十萬遣官董司工役為

殿宇樓房共一千餘間

賜額曰惠遠置兵衛之達賴喇嘛率諸徒衆咸就新居廣布黃教宣講經典使番夷通俗崇法慕義雍正乙卯年果親王尚奉

使至此典至鉅也溯查乾隆朝下占對為患即勞

王師及嘉慶朝又經川省督提剿辦羅布七力帶其子工布郎結先期逃遁僅焚其寨落至道光年間羅布七力之子工布郎結為患仍踞中占對又侵佔上下占對各土司公同請勦閣督邵堂琦使善親統漢土官兵直該酋老巢該酋被剿窮蹙乞恩投誠因予以自新之路

奏賈六品長官司該酋挾各土司之嫌尋衅報復其時各土司心力不齊未知唇亡齒寒之害惟麻書土司力與之敵其餘如孔撒章谷土司暗以金銀賄賂以求無事各土司得力頭人又為工布郎結暗中勾結歸降不數年將霍耳五家一帶據為已有該酋惟取狡黠即遣官理旋結翻各土司力不能支分頭遠避近年復侵佔德格將土婦母子羈留占對夷寨侵奪靈葱拉妥土司地面擾及金川綽斯甲俊松三處西甯所屬迭木其二十五族藏屬察木多乍丫等處圍攻裡塘燒燬台站此時亦時為所侵擾時值川中內地用兵不能籌撥兵向康迭次奉

音馳赴鑑城妥籌辦理駐鑑年餘僅將大路疏通妥設台站委弁添兵保護此寺並將明正土司與占酋之案理結永遠息爭其後各土司俱遵上年密示機宜披質之夷相率及正道藏兵正防本境反正各夷力倩相助

遂直抵中占對夷巢相持數攻之不克康又奉

廷寄藏兵如尚可會同將各土司之案辦結再行撤退東力陳利害現當藏兵正在得手未可遽撤惟有川中助其聲威此收事半功倍之

效將軍制 據慎會

奏並准添兵馳赴占境督剿發運大炮薑鉛於是委派文武各員授以機宜分飭藏中帶兵番官及漢土官兵相機進攻下占對旬日之間已將夷寨圍困斷其水道攻破夷寨生擒占首次子未發工布並其妻妾子女地土人民全行收復其中占對雖迭獲勝伏但老巢堅固非能力破遂單騎由夷地捷道馳至中占對境邊聽調官兵炮彈俱至隨密示火攻之法迅飭各營夷寨下聚薪暗挖地道妥設地雷復全用火彈火薑燒其樓房連朝霽易為引火八月初一日將新舊夷寨焚燒老酋率二子撲火而亡餘孽悉數生擒是役也仰賴我

皇上洪福奉檄一月將一百二十餘家巨患盡除盡淨未留遺業而達賴喇嘛派兵遠來輸洶數十萬始能成此大功其急公報

主之忱尤不可無所表者從此夷疆萬里永靖邊陲凱撤重過惠遠寺堪布喇嘛以厯年受占對之害寺中規章紊亂請為嚴加整定碑專心唪經邀免力役因為查明向例給予斷牌使各土司差役不准索諸寺中支應每歲應領之款並飭地方官隨時發給恐時久無所考證因爰筆詳記其事而為惠遠寺永遠之規云爾

同治四年九月朔日督辦川藏夷務益運使銜四川候補班前補用道  
宛平史致康撰并書

囊西界巴底南界大金川河北界小金川

魯密長結杆夫土百戶克巴塔爾所管土民三十四戶每年認納賦糧折徵銀七錢東界松歸西  
界籠河南界板阿深山北界大金川河

魯密長結松歸土百戶嘉木錯策凌所管土民三十八戶每年認納賦糧折徵銀八錢東界格桑  
西界初把南界深山北界白隅

魯密白隅土百戶策丹嘉布所管土民一百七十戶每年認納賦糧折徵銀三兩四錢東界木坪漢牛

西界深山南界大金川河北界松歸

魯密梭布土百戶林親彭錯所管土民一百五十五戶每年認納賦糧折徵銀六兩七錢伍分東  
界漢牛西界普共碟南界達則北界隆卡那

魯密達則土百戶珠克策凌所管土民一百九十九戶每年認納賦糧折徵銀七兩零伍分東

界漢牛西界普共碟南界梭布北界卓籠

魯密卓籠土百戶阿布木所管土民二百五十戶每年認納賦糧折徵銀十二兩五錢東界籠  
邦西界也籠南界木宗北界大山

以上四十八家土百戶其祖均於康熙四十年隨明正土司投誠授職有號紙無印信向

不報襲俱係明正土司管轄

沈邊長官司住牧本地東界飛越嶺三十里清溪縣界西界碗岡一百里越雋廳屬土千戶地

南界扁螺崗七十里清溪縣北界佛耳岩五里冷邊至雅州府城三百五十里始祖余伯江

西吉安府人明洪武時隨征沈邊地方把隘禦寇有功授沈邊百戶歷傳數代至余期披撫

平白水江改授長官司之職未頒印信余明奇普襲

國朝康熙二十九年克取西鑪授誠隨征五十一年頒給印信號紙現傳至余金海承襲所管土民八十三戶每年認納賦糧折徵銀五十兩徵解鑪庫支發阜和協營兵餉每逢年班進京朝貢冷邊長官司住牧本地東界馬鞍山六十里天全州西界瀘定橋四十里咱哩南界佛耳岩五里沈邊北界魚通八十里木坪至雅州府城三百六十里至廳城一百四十里始祖惡他西番瓦部人蜀漢金環之後世為西番瓦部酋長歷傳數代明洪武二年授瓦部哈工等寺都綱院院撫司永樂八年有功授冷邊長官司之職明末紛爭所屬西番河西諸塞為夷強所竝

國朝順治九年招安周阿撒癿授誠繳明印信賜袍帽諭令回邊辦事後嗣周至德康熙五十年頒給印信號紙現傳至周天怒承襲所管土民二百七十五戶每年認納賦糧折徵銀四十一兩兩資錢叁分五釐徵解鑪庫支發阜和協營兵餉每逢年班進京朝貢

裏塘宣撫司住牧本地東界中渡二百二十里明正司西界二郎灣河二百四十里巴塘南界拉室嶺甕水關五百三十里雲南中甸廳北界長坦膽對四百里疊蓋至鑪城六百八十里始祖江擺康熙五十七年授誠授職頒給印信號紙疊易承襲現傳至四郎占兒襲職與副土司共管番民五千三百二十二戶每年認納賦糧折徵銀四百五十兩徵解鑪庫支發阜和協營兵餉母逢年班朝貢

裏塘副土司住牧本地與該正土司管轄同始祖康卻江錯於康熙五十七年授誠授職頒給印信號紙疊易承襲現傳至朱澄宗吉村襲職查裏塘母歲供給土官喇嘛衣單糧銀六百兩零零玖錢四分雜糧一十七百五十四石大小牛四百七十頭酥油九百五十八觔統入正項

徵收支給夷性强悍素多盜賊凡屬運解糧餉頗屬急公界連瓦述路通霍耳木窩等處草地

夷民相安無擾惟接壤瞻對擦馬所熱色熱泥等地賊番倚恃山路崎嶇出沒不時於裏塘之

黃土岡海子卡虎皮溝喇嘛寺等處搶劫商旅偷盜牛馬多受其害設塘汎漢土官兵巡防以

### 期保護無虞

瓦述崇喜長官司始祖杜納台吉於康熙六十一年投誠雍正七年授職頒給印信號紙現傳至地乃汪堆襲職所管番民二百零八戶每年認納夷賦折徵銀二十六兩向不進京住牧裏塘東北境內計程二百八十里附正副土司屬

瓦述毛丫長官司始祖索朗諾布於康熙六十一年投誠雍正七年授職頒給印信號紙現傳至七美多吉襲職所管番民八百八十戶每年認納夷賦折徵銀三十六兩向不進京住牧裏塘西北境內計程三百里附正副土司屬

瓦述曲登長官司始祖康珠於康熙六十一年投誠雍正七年授職頒給印信號紙現傳至然登汪結襲職所管番民二百四十三戶每年認納夷賦折徵銀十二兩向不進京住牧裏塘西北境內計程三百五十里附正副土司屬

瓦述毛茂丫土百戶始祖於雍正七年投誠授職有號紙無印信現傳至格宗次日所管番民九十八戶每年認納賦糧折徵銀八兩住牧裏塘西南境內計程二百五十里附正副土司屬附載瓦述噶嚙長官司始祖於雍正七年投誠授職頒有印信號紙現傳至多金工布有所管番民一百五十戶每年認納夷賦折徵銀十兩向不進京住牧裏塘西北境外計程七百五十里昆連瞻對咸豐年間瞻育布朗結叛亂多金工布被脅歸附迨西藏幫兵剿平總督部堂駱

奏賞達賴派番官管理

附載麻里土千戶始祖於雍正七年授誠授職頒有印信號紙現傳至工布達結所管番民一百四十戶每年認納夷賦折徵銀一兩伍錢向不進京住牧裏塘西北境外計程五百二十里

毘連瞻對咸豐年間瞻酋工布朗結叛亂工布達結被脅歸附迨西藏幫兵辦平總督部堂駱

奏賞達賴派番官管理

巴塘宣撫司住牧本地東界二郎灣河二百四十里裏塘西界寧靜山二百里西藏江卡南界

耿中橋六百里雲南中甸廳北界巴爾巴四百里三暗野番至鑪城一千二百三十里始祖羅

布阿旺於康熙五十八年授誠雍正七年授職頒給印信號紙現傳至羅進寶與副土司共管

番民三十六百三十三戶每年認納賦糧折徵銀一千八百九十五兩徵解鑪庫支發阜和協

營兵餉每逢年班進京朝貢

巴塘副土司住牧本地與正土司管轄同始祖札什明楚於康熙五十八年授誠授職頒給印

信號紙現傳至郭宗札保襲職每逢年班進京朝貢查巴塘每歲供給正副土官口糧銀五百

八十一兩零雜糧四百三十五石水銀一十六百一十五兩七錢麻布一百三十把紅白鹽三

三百九十石零又蠻兵八十名口糧雜糧三百二十石又邦木頭人口糧一百石及羊腔茶葉

等物又喇嘛寺衣單口糧銀八百四十九兩零雜糧七百五十六石峰峩三百六十九觔酥油

八觔俱統入正項徵收支給路當西藏孔道夷民純厚凡運糧餉急公無誤雍正五年滇蜀清

分疆界將巴塘所屬之奔子欄地方戶口割歸雲南在必龍工察里山定界巴塘北抵林卡石

歷年為匪肆行創刦雍正六年剿撫之後各安住牧認納貢馬糧銀共一百一十九兩零在巴

塘上納當差恭順惟西抵桑昂邦地方夷民強橫多為盜賊中隔金沙江每於擦樹山空子卡  
搶奪雍正八年征剿授誠仍於鄰境創巴塘之東立東三壩大朝山路通瞻對賊番常越境  
為匪各隘口雖設有官兵而桑昂邦瞻對賊出沒不時兵少隘多防禦難周即今之三岩地搶  
刦之害由來久矣光緒二十五年兼署總督部臺恭奏設土弁土兵始就平定

上林卡土百戶工布拉登所管土民每年認納賦銀二十三兩五錢二分雜糧七十斗七升一  
合七勺每斗折銀一錢共折徵銀七兩七分一釐七毫

下林卡土百戶林親札什所管番民每年認納賦銀二十兩五錢七分五釐雜糧一百斗八合  
三勺三抄五撮每斗折銀一錢共折徵銀三十兩五錢八分三釐三毫三絲五忽

桑隆石土百戶喇無絨所管番民每年認納賦銀二兩一錢七分五釐雜糧十五斗二升六合  
一勺二抄每斗折銀一錢共折徵銀三兩七錢一釐一毫二絲

岡里土百戶布擢所管番民每年認納賦銀八兩一錢雜糧三十八斗一升六合三勺每年折  
徵銀一錢共折徵銀十二兩六錢一分六釐三毫

上蘇阿土百戶納松所管土民每年認納賦銀十二兩

下蘇阿土百戶白馬朗結所管土民每年認納賦銀二十三兩六錢

郭布土百戶工布林親所管土民每年認納賦糧四十斗七升八合五勺四抄五撮每年折銀  
一錢共折徵銀四兩七分八釐五毫四絲五忽

以上土百戶其始祖均於雍正五年投誠授職有號紙無印信歷不報襲住牧巴塘界內

革布什咱安撫司住牧本地東界大金川一百二十里懋功廳西界道塢一百四十里麻書南界噶達三百五十里明正北界東署七十里章谷至廳城六百六十里始祖魏珠布策凌於康熙三十九年授誠授職頒有印信號紙現傳至澤旺恒珠所管土民八百三十戶每年認納青裸共折徵銀四十兩每逢年班進京朝貢

巴底宣慰司

唐古忒音譜  
為布拉克底

住牧本地東界孫克宗二百二十里小金川西界八納出卡七十里

革布什咱南界魯密三十里明正北界嘛呢七十里大金川至廳城四百九十里始祖木凌於

康熙三十九年授誠授安撫司嗣因阿爾多於乾隆三十九年隨征金川有功陞宣慰司之職

頒給印信號紙現傳至承襲與巴旺土同同管土民八百五十戶不納夷賦每逢年班

進京朝貢

巴旺宣慰司

始祖綽布木凌授誠初授巴底安撫司以次子汪札爾住牧巴底以長

子囊索分住巴旺從征金川有功陞宣慰司之職頒給印信號紙現傳至郎爾結旺恪被頭人

謀弑之嗣以巴底土同兼襲所管番民與巴底同

喇滾安撫司住牧本地東界吹音三百五十里明正西界雲多二十里下瞻對南界瓦述二百

一十里裏塘北界魯密三百五十里明正始祖丹正邦之父側旺交於康熙三十九年授誠授

職頒有印信號紙傳至格宗其承襲所管番民九百七十戶歷不報襲納賦進京

霍耳綽倭安撫司

即今名  
朱窩

住牧本地東界一百里更平西界一百五十里麻書南界一百四十

里上瞻對北界七十里東科至廳城六百四十里始祖索諾木滾卜於雍正七年授誠授職頒給印信號紙咸豐年間瞻首工布朗結搶去現傳至索諾木多布丹所管番民一千六百六十

六戶每年認納賦糧折徵銀九十二兩每逢年班進京朝貢

瓦述寫達土千戶始祖余家太雍正七年投誠授職有號紙無印信歷不報襲所管土民二百

戶每年認納夷賦狐皮三十張每張折銀五錢共折徵銀十五兩附綽倭土司屬

瓦述更平東撒土百戶始祖過咬嗎雍正七年投誠授職有號紙無印信所管土民四十戶每

年認納狐皮一張折徵銀五錢附綽倭土司屬

霍耳孔撒安撫司

唐古忒音譜  
為康薩爾

住牧甘孜東界一百四十里綽倭西界七十里白利南界三百

五十里瓦述崇喜北界三百五十里革賚至廳城七百三十里始祖蘇爾特親向隸西海子伊子拉布丹於雍正六年投誠授職領有印信號紙現傳至 承襲所管土民九百二十三戶每年認納賦糧折徵銀七十兩每逢年班進京朝貢

科則土百戶巴持嗎索諾木於雍正六年投誠授職有號紙無印信所管土民五十戶每年認納賦糧折徵銀四兩

圖根滿碟土百戶登珠於雍正六年投誠授職有號紙無印信所管土民七十一戶每年認納夷賦折徵銀六兩五錢

以上土百戶二名歷不報襲附孔撒土司屬

霍耳麻書安撫司

唐古忒音譜  
為瑪克舒

住牧甘孜東界二百八十里明正渣壩西界二百一十里圖根

滿碟南界三百五十里瓦述餘科北界三百五十里松潘至廳城七百三十里始祖即卡索囊於雍正七年授誠授職領給印信號紙現傳至 承襲所管番民六百六十五戶每年認

納賦糧折徵銀六十三兩每逢年班進京朝貢

革費土百戶索諾木林親於雍正六年投誠授職有號紙無印信所管土民十三戶不納夷賦東署土百戶却塔爾於雍正六年投誠授職有號紙無印信每年認納夷賦狐皮三張折徵銀

一兩五錢

東署土百戶多爾濟塔爾於雍正六年投誠授職有號紙無印信每年認納夷賦狐皮四張折徵銀二兩

以上土百戶三名歷不報襲附麻書土司屬

德爾格咸宣慰司住牧本地東界四百五十里瞻對西界二百八十里上納奪南界三百五十里察木多北界二百一十里靈葱至廳城一千四百六十里始祖丹巴策凌於雍正六年投誠授職頒給印信號紙現傳至側旺多爾濟羅進彭錯克承襲所管土民七千九百七十七戶每年認納賦糧折徵銀二百八十兩每逢年班進京朝貢

春科安撫司吉忠羅布藏勒定副土同吉忠羅布藏拉布丹始祖祁汪結雍正六年投誠授職頒有印信號紙所管土民五百八十戶每年認納賦糧折徵銀四十六兩

春科高日長官司阿克旺拉布丹其祖於雍正六年投誠授職頒有印信號紙所管土民二百八十二戶每年認納賦糧折徵銀二十六兩

上革費土百戶郭納有號紙無印信所管土民五十戶每年認納夷賦牛五隻折徵銀十兩

上革費土百戶拉龍有號紙無印信所管土民五十戶每年認納夷賦狐皮三張折徵銀一兩

五錢

上革費土百戶端珠有號紙無印信所管土民十五戶每年認納夷賦牛一隻折徵銀一兩

上革費土百戶囊背邦有號紙無印信所管土民四十戶每年認納夷賦牛四隻折徵銀八兩

雜竹嗎竹卡土百戶拉魯克錯爾沁木有號紙無印信所管土民四十戶每年認納夷賦狐皮

五張折徵銀二兩伍錢

雜竹卡土百戶巴圖克有號紙無印信所管土民二十二戶每年認納夷賦狐皮五張折徵銀

二兩五錢

雜竹卡土百戶克欽有號紙無印信所管土民六十戶每年認納夷賦狐皮十張折徵銀五兩

籠壩土百戶達賴策丹有號紙無印信所管番民四十戶每年認納夷賦馬一匹折徵銀八兩

以上土司土百戶十一員名歷不報襲附德爾格威土司屬

靈葱安撫司住牧本地東界二百一十里咱地西界一百四十里春科南界七十里德爾格威

北界四百二十里蒙噶結至廳城一千三百九十里始祖袞卜林親於雍正六年投誠授職頒

有印信號紙現傳至丹怎却克嘉承襲所管土民一千零九十六戶每年認納賦糧折徵銀六

十兩劄不進京

霍爾白利長官司住牧本地東界七十里甘孜酉界一百四十里章谷靈葱南界二百一十里

瓦述北界四百五十里東署至廳城七百二十里始祖隆溥特於雍正六年投誠授職頒有印

信號紙現傳至衆卜敦丹承襲所管土民三百一十五戶每年認納賦糧折徵銀十八兩每逢

年班進京朝貢

霍爾東科長官司住牧本地東界三百五十里更平色他酉界二百八十里咱地南界七十里

孔撒北界四百二十里松潘至廳城七百里始祖達罕裕如於雍正六年投誠授職頒有印信

號紙現傳至汪青札什承襲所管土民三百四十八戶每年認納夷賦狐皮五十張折徵銀二

十五兩例應進京

霍爾咱池安撫司住牧本地東界一百八十里東科西界七十里靈葱南界七十里德爾格咸  
北界四百二十里東署至廳城五百六十里始祖阿旺初中於雍正六年投誠授職領有印信  
號紙現傳至丹怎旺布木所管土民七百一十一戶不納夷賦歷不報襲進京

下革費土百戶策嘉布有號紙無印信所管土民六十戶每年認納夷賦狐皮四張折徵銀二兩  
下革費土百戶溫布有號紙無印信所管土民二十戶每年認納夷賦狐皮二張折徵銀一兩  
以上土百戶二名歷不報襲附霍爾咱地安撫司屬

上納奪安撫司住牧本地東界二百八十里春科西界七十里察木多官角南界五百六十里  
察木多北界三百五十里納溪至廳城一千六百里始祖索諾木旺札爾於雍正六年投誠授  
職領有印信號紙現傳至益楚克達爾結所管土民六百五十戶每年認納貢馬一匹折徵銀  
十六兩例不進京

納奪黎窩土百戶洛珠布始祖濯結雍正六年投誠授職有號紙無印信所管土民一百五十戶每  
年認納貢馬一匹折徵銀八兩

納奪黎窩土百戶噶爾嗎策凌始祖古六丁雍正六年投誠授職有號紙無印信所管土民八  
十戶每年認納賦糧折徵銀十兩

納奪黎窩土百戶策丹端珠布始祖工布交雍正六年投誠授職有號紙無印信所管土民七  
十戶每年認納賦糧折徵銀十兩

納奪黎窩土百戶呻嗎菴丹格嗎雍正六年投誠授職有號紙無印信所管土民三十戶每年

認納賦糧折徵銀四兩

以上土百戶四員名歷不報襲附上納奪安撫司屬

蒙噶結長官司住牧本地東界五百里霍耳咱地西界一百八十里少吳石南界七十里木輶北界二百一十里噶納烏蘇西寔至廳城八百五十里始祖弋黨工布於雍正六年投誠授職頒有印信號紙歷不報襲現傳至阿珍查什所管土民二百零四戶每年認納賦糧折徵銀二十三兩

上瞻對茹色長官司住牧本地東界一百八十里章谷西界四百九十里德格南界三百五十里毛了北界一百四十里麻書至廳城七百三十里始祖七林平於雍正六年投誠授職頒有印信號紙現傳至澤旺達爾結所管土民四百二十八戶每年認納貢馬一匹折徵銀十六兩上瞻對哈納土千戶住牧本地東界二百八十里明正渣壩西界二百一十里茹色南界七十里下瞻對北界二百里章谷納冲至廳城八百里始祖沙加邦於雍正六年投誠授職有號紙無印信歷不報襲現傳至沙克加布木所管土民二百零六戶每年認納貢馬一匹折徵銀八兩中瞻對茹色長官司滾布丹雍正六年投誠授職頒有印信號紙歷不報襲所管土民二十戶不納夷賦

下瞻對安撫同住牧本地東界二百八十里明正渣壩西界一百四十里熟桑泥南界二百七十里喇滾北界二百里霍耳咱地至廳城六百八十里始祖班滾於雍正六年投誠授職頒有印信號紙歷不報襲所管土民三百四十戶不納夷賦

雲多土百戶所管土民二十三戶

儀蓋土百戶那木札爾所管土民十六戶

撒墩土百戶索諾木所管土民五十戶

該雲儀撒三百戶有號紙無印信歷不報襲均附下瞻對土司屬

查上中下瞻對三土司原為川屬夷野不馴中瞻對自乾隆十年剿辦以後至嘉慶二十年又與土司構衅滋事該酋羅卜七力與其子工布朗結先後繼惡數十年來屢啟邊端羅卜七力既伏冥誅工布朗結仍貪狼性成勢復鷙張肆逞強梁侵佔各土司地界道光二十八年總督部堂琦督軍駐鑪剿辦用川省之全力辦未得手撫輯模稜咸豐九年工布朗結復叛圍攻裏台出擾川藏大小道路梗阻蠶食鯨吞竟將霍耳五家及德格西寧疊木齊二十五族地方全行霸奪總督部堂駱奏川藏進兵會剿蕩平同治四年十二月十四日奉

上諭將三瞻地方賞給達賴喇嘛派堪布妥為管理以期久安長治顧此邊祇當日西藏委派總管一僧一俗苛虐異常光緒十九年堪布夷喜吐布丹戴琫對堆奪吉動兵至松林口與明正土司爭戰那珍三村頑固悖義二十三年總督部堂鹿奏討瞻番收回瞻對師征名正言順二十一年遵

旨仍將三瞻賞還達賴詎因政權不洽墮棄前功矣

魚通土司係穆坪土司分支雅州府專管就近鑪廳兼管距雅州府城四百二十里廳城一百

二十里現傳至甲木參澤旺光緒二十九年十月奉

總督部堂錫奏歸打箭鑪廳專管

廳至裏塘路程

廳出南門十里過工竹卡凡差事至此始  
照口外例支應平坡逶迤四十里至折多山麓有塘舖旅舍崇岡在望峩嶺過人至此出口一攬山川之勝第巒荒冰雪中常使人心懾耳計程五十里

折多山至提茹尖提茹至阿娘壩宿折多過山山長石亂產大黃藥氣熏蒸行者多氣喘秋冬積雪瀰漫三十里過破碉行漫坡石窖二十里至提茹有塘舖二十里過納哇路不甚陡下山南行十五里至阿娘壩地方土產多饒儼有富庶之家計程八十五里

阿娘壩至瓦吉尖瓦吉至東俄洛宿阿娘壩三十里路平坦至瓦吉過俄松多橋經小營官寨復歸大路十五里過打納石有土人數十家有柴草十里至東俄洛有塘舖住房計程五十五里東俄洛至高日寺尖高日寺至卧龍石宿東俄洛南行過大雪山二山高路寬深林密箐蘚如玉立

人跡罕逢三十里至高日寺循海子而南三十里穿大松林下山十五里至卧龍石有塘鋪旅店計

程七十五里

卧龍石至八角樓尖八角樓至中渡宿卧龍石西行一路平行荒涼特甚五十里至八角樓有塘鋪間有旅店然廢置無常再行四十里至中渡即河口過河裏塘界所謂雅龍江是也設外委一員兼同渡船夏秋以舟渡冬春則列船為浮橋以濟行旅蠻人以牛皮船渡逐浪上下望之如水中鳧凡過差過此在河東宿者明正土司供役在河西宿者裏塘土司供役計程九十里

中渡至剪子灣剪子灣至西俄洛宿中渡過河上山三十五里過麻蓋中有碉房柴草此站路邊夾堤行者或宿麻蓋中以均路程且險難行多戒備烏人少始可多則不能容矣四十里上大雪山至剪子灣有塘鋪山甚陡峻有嶂氣下山層

疊盤折登山二十里至波浪工汎有外委一員駐防塘鋪以防夾堤十里下山又十里至西俄洛有塘鋪及土百戶供給差役有柴草換烏拉有漢人客舍可宿計程一百三十里

西俄洛至咱嗎拉洞夫咱馬拉洞至火竹卡宿西俄洛路經小山進溝過大雪山下坡四十里至咱馬拉洞林深谷遂夾堤出沒有塘鋪二十里至蠻卡復越小山下灣名亂石窖再折而上小岡順山溝而下行三十里復過大山二十里至火竹卡有駐防外委一員有塘鋪人戶柴草計程一百二十里火竹卡至火燒坡夫火燒坡至裏塘宿火竹卡過小橋沿河紓折登山二十五里至火燒坡下坡即平原二十五里抵裏塘有駐防塘鋪換烏拉有市廛漢番雜處二百餘家喇嘛寺多不良計程五

十里

以上自至途程共計六百五十里

裏至巴塘路途

裏塘西南三十里過大木橋上阿喇柏桑山峻嶺層巖日色與雪色交燦二十里至頭塘即公撒塘  
番名額柴草入戶俱無僅有塘舖官則裏塘烏拉駄載以給客則自攜帳房裝糧計程五十里  
凹奔松

頭塘至乾海子夫乾海子至喇嘛了宿頭塘寒風凜冽凍綻肌膚從此愈行愈冷上山過黃土岡行四十里至乾海子又經濫泥壩及虎皮溝上山下嶺盤旋五次大石森立橫梗道途樹木交遮流泉干匝均有夾堤出沒之區四十里過拉爾塘有塘舖上喇嘛山二十五里至喇嘛了有柴草入戶計程一百零五里

喇嘛了至一郎灣尖二郎灣至三壩塘宿喇嘛了由溝上山越雪嶺四層石山礮礮不生樹木過嶺則深林密箐水草偏地行五十五里至二郎灣有塘舖無人戶由山足進溝順溝而下路稍平過著

東塔五十五里至立登三壩

此巴裏二塘交界處  
三壩番人稱橋也

有塘鋪少柴草有瘴氣計程一百一十里

三壩塘至松林口尖松林口至大朔塘宿由三壩行亂石縱橫青松蔽日過巴山有海子山枯樹參橫絕不聞鳥雀聲五十五里至松林口下溝路平五十里過巴隆達河至大朔塘地居溝口有塘鋪碉房柴草計程一百里

大朔塘至崩察木尖崩察木至小巴冲宿大朔進溝上大雪山三十里至嶺高險非常雪凌瀰漫行亂石害越山而下有樹木繞路三十里至崩察木有塘鋪無入戶道路險阻下行四十里至小巴冲有碉房柴草頭人給役計程一百里

小巴冲至巴塘宿小巴冲順溝而進上小坡雜木叢生陟降三十里出溝口至巴塘其地沃野千里水泉環繞日麗風和豁入心目計程三十里

以上自至途程共計五百四十五里

巴至察木多路程

巴塘至牛舌尖牛舌至竹巴籠宿巴塘西南行過小山自巴塘途次以至西藏有醉馬草馬食如醉輒疲乏不能行經茶樹頂復上大山烏道臨江勢最險要四十里至牛舌有河可通舟楫自抵宿處復沿山行景物暄麗道途逶迤五十里至竹巴籠天氣溫暖有碉房柴草駐防塘舖計程九十里

竹巴籠至公拉尖公拉至莽里宿竹巴籠渡江即金沙江通蜀之馬湖江四十里至公拉有柴草頭人給役由山凹中行三十里過空子頂頂有塘舖山峻亦夾堤出沒之區上下三十里至莽里即莽嶺有人戶柴草有熱倣供給差役凡熱倣媒巴皆番稱頭人換烏拉計程一百里

莽里至南墩尖南墩至古樹宿莽里過龍新山春夏多積雪三十里過那木有碉房柴草塘舖上寧靜山勒有與西藏分界碣石南行經大山五十里至南墩有漢人寺每年七月巴察兩地客民雲集

貿易如内地廟會過山四十里至古樹有塘舖戶柴草計程一百二十里

古樹至晉拉尖晉拉至江卡宿古樹過漫山山路雲霧四垂間有瘴癘途次亦復崎嶇四十里至晉

拉有人戶平房柴草有喇嘛供役多黑帳房番民行漫坡路六十里至江卡有碉房柴草駐防塘舖

計程一百里

江卡至山根失山根至黎樹宿江卡行四十里過綠河十里至山根上大雪山終年積雪即盛夏亦涼颼刺骨復越小山上下七十里至黎樹按黎樹至王卡通稱惡八站有人戶柴草駐防塘舖換烏拉計程一百

按黎檉至玉卡  
通稱惡八站

有人戶柴草駐防塘舖換烏拉計程一百

一  
十  
里

黎樹至阿拉塘尖阿拉塘至石板溝宿黎樹過漫坡樹木環映五十里至阿拉塘屬阿布拉有入戶柴草

布拉

人供給差役計程一百一十里

石板溝至阿足塘宿石板溝西南行過大雪山寒輝騰耀射目迷離上下無可駐足行人裹糧而前八十里至阿足塘屬乍蠻性難馴頗稱狡猾殆亦習俗使然有駐防塘舖有頭人給役計程八十里阿足塘至歌一塘尖歌二塘至洛加宗宿阿足塘漫山二阿足河一水勢汹湧五十里至歌一塘經平川二十里上山三十里路最險要至洛加宗有塘舖頭人供給烏拉計程一百里

洛加宗至俄倫多尖俄倫多至乍丁宿洛加宗沿溝而上傍山行路紆曲稍平第偏仄多偏橋四十里過木橋至俄倫多有今戶柴草復西南行四十里至乍丁有寺院即會典圖注之扎雅廟也有碉房柴草駐防塘鋪換烏拉此地番民習性桀驁駕馭亦復不易計程八十里

乍了至雨撒夫雨撒至昂地宿乍了順溝行石徑蠶叢道路梗塞三十五里至雨撒有戶柴草復

西行過大雪山路甚陡險積雪如銀煙瘴氣輒中人作病上下六十里至昂地有駐防塘舖有喇嘛  
供給烏拉計程九十五里

昂地至噶噶大噶噶至王卡宿昂地順溝行三十里至噶噶上大雪山亂石崎嶇積雪層疊秋濤怒  
湧路復曲折上下行人肌寒起粟手指破裂六十里至王卡有塘舖人戶柴草頭人換給烏拉計程  
九十里

王卡至三道橋大三道橋至巴貢宿王卡經熱水塘二十里至三道橋路平又行二十五里紓折上  
山路轉峯迴五里至巴貢有塘舖柴草頭人供給烏拉計程五十里

巴貢至苦弄山苦弄山至包墩宿巴貢上大山或降或陟終日蹀躞於荒山中六十里至苦弄山  
根亦名窟窿山以山多石穴大者如堂如皇小者如鐘如盎如鉢掩映迴環上下行勾折而下四十  
里至包墩有頭人供給烏拉計程一百里

包墩至猛卜大猛卜至察木多宿包墩沿河行十里過大山一小山二俱偏橋列如雲棧崎嶇難行  
上下六十里至猛卜一名孟鋪有碉房柴草在山凹之中沿河臨江復沿河登山行二十里過大山有地  
名小恩達皆木石搭橋偏橋甚險窄不可騎行六十里過四川橋抵察木多即昌都有土城居民二百  
餘戶換烏拉計程一百五十里

以上自至途程共計一千四百零五里

察木多至拉里路程

察木多由南河而進偏反多偏橋行者戒焉水複山重路通各部番境四十里至俄洛橋有人戶路  
稍平三十五里至浪蕩溝有碉房柴草可栖止焉計程七十五里

浪蕩溝至拉貢大拉貢至恩達寨宿浪蕩溝二十里過裏角塘進溝上山由偏橋行險如箭雪凌滑  
甚且有瘴氣八十里至拉貢有塘舖碉房柴草有頭人給役二十里過松羅橋昌都屬上山四十里至  
恩達寨其重役夫馬則類烏齊倉儲已供給計程一百六十里

恩達寨至牛糞溝大牛糞溝至凡合寨宿恩達寨二十里過恩達塘有塘舖二十里過喇貢山二十  
里至牛糞溝二十里過凡合山高峻且有折山上有海子烟霧迷離有望亭合週天數矗立於臺  
之上如大雪封山時必藉以為嚮道過此戒勿出聲違則冰雹驟至山之中鳥獸不栖四時俱冷上

下通百里無炊煙二十里過脫膊梁下山三十里過瓦合塘有塘鋪又二十里至瓦合寨隸類烏齊  
有頭人供役計程一百五十里

瓦合寨至麻利大麻利至喜裕橋宿瓦合寨西南行四十里至麻利有碉房柴草十里過山山勢高  
聳下山繞河而行偏橋壘見三十里至嘉裕橋番名三  
壩橋有碉房柴草兩山環抱一水中流天氣暄和

地土饒美有塘鋪計程八十里

嘉裕橋至鼻奔山根尖鼻奔山根至洛隆宗宿嘉裕橋西南行上得貢喇山山勢陡峻上下二十五  
里詰屈如蛇形有松林路悉險窄多溜沙地五里過橋至鼻奔山根五十里至洛隆宗有塘鋪碉房  
柴草換烏拉計程八十里

洛隆宗至曲齒尖曲齒至碩般多宿洛隆宗西南行經漫坡上坡山路陡險九十里過鐵凹塘大山  
巒立有塘鋪順溝而行路稍平坦二十里至曲齒又名  
紫駝有大喇嘛寺可大可宿近新聞一路由東南  
五十里至碩般多居人稠密物產亦饒有碉房柴草駐防換烏拉計程一百六十里

碩般多至中義溝大中義溝至巴里朗宿碩般多沿溝而上路平五十里過巴喇山勢不甚峻至中  
義溝山程平坦五十里至巴里郎有碉房柴草塘鋪頭人供給烏拉但居人寥落旅況增岑寂焉計  
程一百里

巴里郎至索馬郎尖索馬郎至拉子宿巴里郎進溝三十里上賽凡合山通志作朔  
馬喇山邊風獵獵亂石

皆重二十五里至索馬郎又四十里至拉子沿山繞河而行地多溜沙足却不前其地有塘鋪頭人  
給役柴草價昂蓋山兀地荒致此不易耳計程一百里

拉子至邊壩大邊壩至丹達宿拉子西南沿山而上過必達喇山山路平坦亂石上下十里下山路

偏仄河流縱橫水清淺可褰裳而涉四十里至邊壩即達  
隆宗有塘鋪二山橫跨四水環襟為西藏遼闊之區六十里至丹達有塘鋪營官寨碟巴供役換烏拉計程一百一十里

丹達至察羅松多大察羅松多至郎吉宗宿丹達之麓有廟相傳雲南某參軍解餉過此歿於王事屢者靈異土人祀焉過山者必禱之十五里上魯貢喇山峭壁摩空中一小溝蜿蜒上下夏則泥滑冬則一冰雪槽行人柱杖魚貫而進不能立肩此赴藏大險地也三十里下山五里至察羅松多五十里至郎吉宗有碉房柴草塘鋪碟巴供給差役計程一百里

郎吉宗至大窩尖大窩至阿蘭多宿郎吉宗一名浪  
金溝曠野平原換烏拉順壩而下有兩路一由山徑路窄險一由溝行路稍平惟夏日水漲多阻四十里至大窩塘有碟巴供給差役路雖平而側進若谷順河而下五十五里至阿蘭多有塘鋪碉房柴草計程九十五里

阿蘭多至破寨子夫破寨子至甲貢宿阿蘭多西南行側身循溝而上南北俱有偏橋上山路險窄行人慄然如墜三十里至破寨子一名河  
蘭卡有橫石林如人立俗名鶲鶲嘴鑿以為道四十里至甲貢

屬拉

有柴草有塘鋪碟巴供給差役計程七十里

甲貢至大板橋夫大板橋至多洞宿甲貢路崎嶇傍山而上下過小坡漫衍荒涼四十里至大板橋四十里至多洞人煙寥落無傳舍有塘鋪凡往來者即以汎為棲息地無柴草計程八十里

多洞至擦竹卡夫擦竹卡至拉里宿多洞塘附近水邊率水滸而上二十里上大山山峰峭立雪凌

險滑視丹達無異六十里至擦竹卡通志作  
擦楮卡有熱水塘過山凹中有一湖約寬七八里長十餘里冬

春凍如平地行人履之無怖六十里至拉里天冷柴草罕有有駐防塘鋪堪布供給差役而烏拉則類烏齊之所供給也計程一百四十里

以上自至途程共計一千五百里

### 拉里至藏路程

拉里至阿咱大阿咱至山灣宿拉里由溝行復上大山危峯聳峙冰雪四時不消巖嚴海岸風起雪擁險滑難行五十里至阿咱有塘鋪碟巴供役再行三十里有海子長四十餘里俗傳有獨角獸頗為怪八十里至山灣有塘鋪少柴草計程一百六十里

山灣至常多尖常多至甯多宿山灣塘由山灣上卓喇山峻險難行約四十餘里多冰雪積巨石嶙峋六十里至常多時常如冬山皆不毛有塘鋪居人以樹皮為屋僅數間炊煙零落屬江達有碟巴供給烏拉六十里路稍平坦至甯多有塘鋪計程一百二十里

甯多至過拉松多尖過拉松多至江達宿甯多路平順溝而下四十里至過拉松多即王過橋水潺巴境有塘鋪柴草計程八十里

江達至順達尖順達至鹿馬嶺宿江達在拉里之西南憑山依谷形勢險要有工布碟巴供給差役沿河而下六十里順達有塘鋪沿溝而進河道分流林木陰翳一百里至鹿馬嶺有塘鋪山高無險阻約四十里視前歷之冰雪峻嶒怵心剗目者居然平易矣計程一百六十里

鹿馬嶺至堆達尖堆達至烏蘇江宿鹿馬嶺進溝而上下約四十里山路坦夷微有瘴癟番稱蒲葛倉寒風凜冽無盛暑八十里至堆達一名檣有塘鋪煙火寥寥柴草亦稀順河繞溝而下過竹貢六十里

至烏蘇江路俱平坦有塘鋪小碟巴支應柴草牛羊去衛藏佛國較近別開奇境矣計程一百八十里

按此站道路過遠  
里有即堆達住宿

烏蘇江至仁進里尖仁進里至墨竹工卡宿烏蘇江水勢平緩順河西行僻處一隅而程途坦夷迥

異前險六十里至仁進里在喇嘛寺尖行者如馬牛口瘡至此可憇息焉由東北而上七十里至墨竹工

卡有塘鋪碟巴供役計程一百三十里

墨竹工卡至拉木尖拉木至德慶宿墨竹工卡正北接察木多草地之路其水向西流至藏即藏河也水驛有支般四十里至拉木一名納磨有房舍柴草稀少寺院幽敞人稠地廣繞河而下五十里過占達塘復西行三十里至德慶計程一百一十里

德慶至察里尖察里至西藏宿德慶其地多候館往來者恒棲止之路旁有塘鋪繞道而下四十里至察里一作平里俗傳即西遊真詮所記之高老莊有碟巴供役柴草與西藏隔一水二十里抵藏有駐防在藏之北名三珠剛又其地西山環峙巖若城垣水秀山奇宛然福地計程六十里

以上自至途程共計一千零十里

按西藏道里考之通志並采魚通紀畧及西涉便覽各書其間參差多易大約邊徼遐荒非耳目所

易悉凡夫宿地亦各因人栖止適中而記之仍詳證熟歷其途者故不稍事忽略亦不遂爲確憑留待於役者援圖省方或不迷於所往歟